

REFERAT AIA - Aningaasaqarnermut Inuussutissarsionermullu Ataatsimiititaq d. 20-12-2021

Mødedato Mandag d. 20. december 2021 kl. 18:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluserisassat akuersissutigineqarneri.....	4
Nalunaarutit.....	5
Aaqqissuussaanermut Ineriartortitsinermullu immikkoortortaqaarfimmit ilisimatitsissut.....	6
Meeqqanut Ilaqutariinnullu Ataatsimiititap angalanera pillugu nalunaarusiaq.....	10
Sanarfinermut Avatangiisinullu Ataatsimiititap angalanerani nalunaarusiaq.....	12
Kitaani Nuummilu 2021-imut angerlarsimaffimmi paarsisartunik nakkutilliineq.....	15
Café Toqqorfik nuummi imigassanik aalakoornartulinnik sassaalliinissamut akuersissummut type B	18
Attartortut tamarmik Ineqarneq pillugu naammagittaalliuuteqartarfimmut naammagittaalliuuteqarsi	21
Nioqqutissanik kiffartuussinernillu pisinermut tunngatillugu inatsit naapertorlugu neqerooruteqartit	26
Inussivimmi COVID-19-imut misissuivik pillugu siunnersuut.....	29
Kommuneqarfik Sermersuumi Najukkami Ataatsimiititaliami 2022-mut aningaasaliissutinik agguat	32
Tunami nunaqarfinni neqeroorutip, angerlarsimaffimmi paarsisarnermut aaqqissuussinerit, allanng	41
Kommunimut pilersaarummut tapiliussassatut siunnersuut 2A3, Manngua, Nuuk.....	45
Kommunimut pilersaarummut tapiliussap 3A8-4 Iiminaq, Nuuk inaarutaasumik aalajangiiffineqarn	49
Lukket.....	53
Lukket.....	54
Lukket.....	55
Lukket.....	56
Tamalaat.....	57
Imaqarniliap akuerineqarnera.....	58

Punkt .: Saqqaa

Ilaasortat:

Charlotte Ludvigsen (IA), *siulittaasoq*

Juaaka Lyberth (IA)

Uju Petersen (IA)

Ken Madsen (N)

Justus Hansen (D)

Inga Dóra G. Markussen (S)

Dorthe-Marie Mogensen-Fontain (S)

Beslutning

Oqarasuaatikkut peqataasut :

Charlotte Ludvigsen (IA), *siulittaasoq*

Juaaka Lyberth (IA)

Ken Madsen (N)

Justus Hansen (D)

Dorthe-Marie Mogensen-Fontain (S)

Peqataasut:

Uju Petersen (IA)

Inga Dora G. Markussen (S)

Punkt .: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Sapaatip-akunnera 46:

15. november: Kommunaldirektøringortoq: Ole Jakobsen suliartoqqaarpoq.

Sapaatip-akunnera 47:

26. november: Iserit A/S-ip Pinguqqami nappaanersiorneranut peqataaneq.

Sapaatip-akunnera 50:

15. december:

- OAK Fondationip direktørianik Esther Nørregaard-Nielsen ataatsimeeqateqarneq.
- DI (Dansk Industri) Københavnimi Greenland day-imut peqataaneq.

17. december: Kommuneqarfik Sermersuumi sulisunik juullerpalaartitsineq.

Ukiumi nutaami Naalakkersuisoq Mariane Paviasen ineqarneq pillugu ataatsimeeqatigineqarumaarpoq.

Punkt 1: Aqqissuussaanermut Ineriartortitsinermullu immikkoortortaqarfimmit ilisimatitsissut

Beslutning

Ilisimatitsissut tusaatissatut tiguneqarpoq, Kommunalbestyrelsimullu ilisimatitsissutitut ingerlateqqinneqarluni.



Aaqqissuusaanermut Ineriartortitsinermullu immikkoortortaqaarfimmit ilisimatitsissut

Suliffimmi avatangiisit kulturimillu suliniut Kivitsisuvugut

Ilisimatitsissut

SagsID.: EMN-2021-10172

Suliffeqarfimmut Kiffartuussivik – vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- ilisimatitsissut Kommunalbestyrelsimut ingerlateqqinneqassasoq

Suliamik saqqummiussineq

Suleqatigiinnissamik isumaqatigiissutip ”Pingaartitat tunngaviillu aamma inunnik isiginneriaaseq” taassuma ataani kommunip ingerlatsiviini suliffimmi avatangiisit ilaatigut pitsaanerulersinneqarnissaasa pingaartinneqarnissaa kissaatigineqarpoq. Taamaattumik una takussutissaq ilisimatitsissutigineqarpoq.

2021-p ingerlanerani suliffimmi avatangiisit atugarissaarnerlu pillugit suliniutit una tunngavigalugu aallartinneqarput:

- Atugarissaarnermut aamma suliffimmi atugassarititaasut pillugit misissuinerup inerpera
- Isumannaallisaaneq aamma suleqatigiinnissamik ataatsimiititat pisariillisarneqarnissaannik kissaat
- Sullivinnik Nakkutilliisoqarfimmiit peqqusutit

”Kivitsisuvugut – vi er dem der løfter” Kommuneqarfik Sermersuumi kulturikkut suliniutaavoq pingaarnertut suliassatsinnik taakkualu pingaarutaannik, tamatta immikkut ataatsimoorlutalu ullut tamaasa naammassisartakkatsinnik, qitiutitsisussa. Kommuneqarfik Sermersuumi sulisut tamarmik ataatsimut anguniagaqarput, tassalu innuttaasut qitiutinneqarnissaat pitsaanerpaamillu sullinneqarnissaat. Kivitsisuvugut tassaavoq Kommuneqarfik Sermersuup suliniutaasa allat, sulinermi atugassanut tunngasut, kingunera, aqutsisunik ineriartortitsineq kiisalu sulisunik sungiussisitsilluarnissaq ilanngullugit, Kommuneqarfik Sermersuup suliffeqarfittut pilerinartutut, sulisunut tamanut atugassarissaartitsisutut, kinguneqartussa.

Atugarissaarnermut aamma suliffimmi atugassarititaasut pillugit misissuineq – politikkinik nutarterineq

Suliffimmi atugassarititaasunik misissuinerup aamma suliffiup nalilerneqarnera, taanna inatsisitigut pisussaaffiusoq, amerlasuunik nuannersunik inerneqarput. 2021-mi ukiup affaani siullermi workshopertitsinerit internetikkullu isumasioqatigiissitsinerit aaqqissuunneqarput aqutsisunit 130-t missaannik peqataaffigineqartut, tassani aqutsisut tamarmik angusat suliarineqaqqinnissaannut isumassarsiasannik periarfissinneqarput.

2023-mi aamma suliffimmi atugarissaarneq aamma atugassaqaartinneqarneq pillugit qitiusumiit misissueqqittoqassaaq, piffissallu akornanni sumiiffinni inerinert suliarineqassapput malitseqartinneqarlutillu.

Suliffimmi tarnikkut atugassaritinneqartuni immikkoortuni marlunni pisortaqaatigiinnit politikkit nutarterneqarnissaat kissaatigineqarpoq, taakkunani pitsaanngorsaanissaq pisariaqartinneqarmat:



- Pimmatiginninneq, misissuinerup takutimmagu inuit 167-it (5%) pimmatigineqartutut misigisimmata
- Kinguaassiuutinut tunngasumik kissaatiginnigisamik soqutigineqarneq, tassani inuit 42-t (4%) tamanna misigisimallugu akisimapput

Politikkitt nutarterneqarnerisigut, innuttaasunut nuannaarutaasumik iluaqutaasumillu sulisut tamarmik toqqissimallutik suliffiminniillutik sulisinnaanerat qulakkeerneqassaaq. "Kinguaassiuutikkut kannguttaatsuliortarneq" aamma "pimmatiginnittarneq" pillugit politikkit Pingaarnertut Suleqatigiinnissamut Ataatsimiititamit Pisortaqatigiinnillu akuerineqarput tamanullu saqqummiunneqareerlutik.

Pimmatiginnittarneq pillugu suliniut

Pimmatiginnittarneq pillugu politikkimut tapertaliullugu Helle Rabøl Hansen suleqatigiserineqarpoq, taanna Ph.D.-uvoq Aarhus universitet / DPU-mi pimmatiginnittarneq pillugu ilisimatusartuulluni. Siullermik suliffimmi sulisunut ataasiakkaanut qanoq atugarissaarnissaq aamma suliap pitsaassusianut pingaaruteqartiginera pillugu saqqummiussassaaq suliarineqassaaq. Aamma suliffimmi atugassaritineqartut ajornartorsiutitaqaraangata suut alaatsinaaaffigineqassanersut, suleqatit, aqutsisutut sulisut sinniisaattut aamma isumannaallisaanermut sinniisutut qanoq suliffiup pitsaasup ineriartortinneqarnissaa pillugu suleqatigiittoqarsinnaanersooq ilanngullugu. Saqqummiussassaaq siullermik Nuummi ingerlanneqassaaq, ukioq manna decembarimi, suleqatigiinnerlu 2022-mi ingerlaqqissaaq, tassani aqqqissuussaaq kommunimi sumiiffinni arlalinni pilersaarutaavoq ingerlanneqassasoq.

Sullivinnik Nakkutilliisoqarfimmit qisuariaatit

Sullivinnik Nakkutilliisoqarfik 2021-p ingerlanerani akulikitsumik kommunip sulliviini nakkutilliartortarpoq. Nakkutilliinerit arlallit oqaaseqaatitaqanngitsumik ingerlanneqarput. Kisianni pingaartumik atuarfeqarnerup iluani oqaaseqaatit arlaqartut aamma tiguneqarput. Qisuariaatigineqartut illunut aamma sullivimmi timikkut tarnikkullu atugassaritineqartunut tunngassuteqarput. Qisuariaatigineqartut malitseqartinneqareerput aamma sumiiffinni qitiusumillu pitsanngorsaatissatut siunnersuutit suliarineqarput.

Kalaallit Nunaanni inatsisitigut pisussaaffigineqartoq sullivinni avatangiisit pillugit ilinniartitaaneq. Suliffimmi atugassaritineqartut ataatsimut pitsaanngorsaaffigineqarput, inatsisitigut pisussaaffiup sullivimmi atugassaritineqartut pillugit ilinniartitsinerit aamma isumannaallisaanermut suleqatigiinnissamullu ataatsimiititaliat aallartinneqarnerisigut. Sullivinnik Nakkutilliisoqarfiup ilinniagaq taanna Kalaallit Nunaanni angalaaruppa ukioq mannalukommunitisinni Nuuk Tasiilarlu tikinneqarput. Pikkorissarnerni taakkunani inissat katillugit 33-t sulisut aqutsisullu akornanni agguataarneqarput.

Isumannaallisaanermik aqqqissuussineq

Decembari 2021-mi pingaarnertut suleqatigiinnissamut ataatsimiititaliami ataatsimiinnissami isumannaallisaaneq pillugu suleqatigiissitatta aqqqissuussaananeranut siunnersuut nutaaq kiisalu isumannaallisaanermik ataatsimiititaliaq aammalu pingaarnertut suleqatigiinnissamut ataatsimiititaliap isumannaallisaanissamullu ataatsimiititap ataatsimoortinneqarnissaat pillugit aamma saqqummiisoqassaaq. Tamatumani attaveqartarfissat ikilisarneqarnissaasa taamaalinikkullu tamanut pitsaanerulersitsinissap kissaatigineqarsimanera tunuliaqutaavoq. Siunnersuut akuerineqassappat, 2022-p naalernerani aqqqissuussineq naammassereersimassasoq naatsorsuutigaarput.

Kivitsisuuvugut

Kommuneqarfik Sermersuumi Kivitsisuuvugut atuutilersinneqarnissaanik pisortaqatigiit aalajangererat tunngavigalugu ingerlatsivinni chefinut aallaavilerlugu 2022-mi januaarimi



aallartinneqassaaq. Pisortat taakkuupput Kivitsisuvugut ingerlannissaanik piginnittut aamma ingerlatsivinni tamani Kivitsisuvugut ingerlanneqarnissaanut pilersaarusiornermi chefeqatigiit suleqatigalugit pissalluni.

Kommunimi sulisunut Kivitsisuvugut atuutilersinneqarnissaa iluatsissappat kommunimi sulisunik toqqarneqarsimasunik ilinniartitsineq aallartinneqassaaq. Kommuneqarfik Sermersuumi siuarsaavigerusutatsinnik sulisut toqqarneqartut ineriartortitseqataalluarsinnaammata, attaveqatigiilluarsinnaassuseqartarmata pissuserissaarnissamullu maligassaqqissuusinnaasarmata aqutsisuminnit toqqarneqarsimapput. Sulisut toqqarneqarsimasut Kivitsisuvugut ingerlanneqarnissaanut ingerlatsisussatut piareersarluarniarlugit ulluni 5-ini ilinniartinneqassapput. Pikkorissarnerup kingorna Kivitsisuvugut-ambassadørit kommunimi suleqatiminnut pikkorissaassapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Kommuneqarfik Sermersuumi qinngasaarinnermut politikki
- Kalaallit Nunaanni sulinermi avatangiisit pillugit inatsimmik nalunaarut
- Nikanarsaalluni tiingaffiginninnermut politikki

Ilanngussaq

Soqanngilaq.

Punkt 2: Meeqqanut Ilaqutariinnullu Ataatsimiititap angalanera pillugu nalunaarussiaq

Beslutning

Ilisimatitsissut tusaatissatut tiguneqarpoq.

Bilag

Angalaneq pillugu nalunaarussiaq

Meeqqanut Ilaqutariinnullu Ataatsimiititap angalanera pillugu nalunaarussiaq

Nuuk, oktobari 2021

Ilisimatitsissut

SagsID: EMN-2021-16506

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Meeqqanut Ilaqutariinnullu Ataatsimiititap Aningaasaqarnermut Inuusutissarsionermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Meeqqanut Ilaqutariinnullu Ataatsimiititaq 2021-mi ullut 6. aamma 7. oktobari Nuummut angalavoq. Angalanermi siunertaavoq, Kommuneqarfik Sermersuup Nuummi suliffeqarfiutaanut pulaarnissaq, tassa pitsaaliuinermik katsorsaanermullu tunngasunik suliaqarfinnut, Meeqqanut Ilaqutariinnullu Ataatsimiititap akisussaaffeqarfiini suliniutit unammilleruminaatsullu pillugit paasissutissiivigineqarlutik.

Meeqqanut Ilaqutariinnullu Ataatsimiititamiit peqataapput, Avaaraq S Olsen (siulittaasoq), Naya-Sophia Lyberth (ilaasortaq), Mia Skifte Lyngø (ilaasortaq). Meeqqanut Ilaqutariinnullu Ingerlatsivimmiit peqataapput, Martha Lund Olsen (Meeqqanut Ilaqutariinnullu Ingerlatsivimmi pisortaq) aamma Ellen Magnussen (Meeqqanut Ilaqutariinnullu ikiorsiissuteqartarnermut immikkoortortami fagcheffi). Allaffeqarfimmit Pernille Ødegaard (ataatsimiititap allattaa) aammattaaq peqataavoq.

Ataatsimiititaq Nuummi suliffeqarfinnut assigiinngitsunut pulaarpoq, taakkunanilu saqqummiivigineqarluni.

Meeqqanut Ilaqutariinnullu Ataatsimiititap angalanerminnit paasisatik ataatsimiititami suleriaqqinnerminni atussavaat.

Ingerlatsivimmit aningaasatigut sulisoqarnikkullu naliliinerit

2021-mi ataatsimiititap angalanissaanut 350.000 koruunit immikkoortinneqarnikuupput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitallit

- o Ataatsimiititap suleriaasia

Siusinnerusukkut aalajangiinerit

Meeqqanut Ilaqutariinnullu Ataatsimiititaq, 09.12.21:

Inassuteqaat akuersissutigineqarpoq.

Ilanngussaq

1. Angalaneq pillugu nalunaarussiaq

Punkt 3: Sanarfinermut Avatangiisinullu Ataatsimiititap angalaneranit nalunaarusiaq

Beslutning

Ilisimatitsissut tusaatissatut tiguneqarpoq.

Bilag

Angalaneq pillugu nalunaarusiaq

Pilersaarutit

Sanarfinermut Avatangiisinullu Ataatsimiititap angalaneranit nalunaarussiaq

Danmark aamma Savalimmiut, oktobari aamma novembari 2021

Ilisimatitsissut

SagsID: EMN-2021-16322

Suliffeqarfimmut Kiffartuussivik – vicekommunaldirektøri Marie Fleischer / MAFL

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuusutissarsiornermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Sanarfinermut Avatangiisinullu Ataatsimiititaq oktobarip 29-anit novembarip arfineq pingajuat Danmarkimut Savalimmiunullu angalavoq. Angalanermi ataatsimiititami ilaasortat isumassarsiaq "innuttaasunik qitiutitsineq" aallaavigalugu kommunini allani nunaminertanik atugassiisarnert sanaartugassatullu pilersaarutit tungaasigut sullisseriaatsinik, innuttaasunik kiffartuussinermik innuttaasullu imminnut kiffartuuttarnerinik ilisimasaqalernissaat siunertarineqarpoq. Taamatuttaarlu kommunit allat sumiiffinnik assigiinngitsutigut aporfissalinnik allanngortitsinermi illoqarfimmilu kusasaanermi ingerlariaasiinik kiisalu sanaartugassatut pilersaarutinut annerusunut aamma aqqusinernut angallannernullu taakku eqqaaniittunut tunngatillugu unammilligassarisimasaannik ilikkarsimasaannillu ilisimasaqalernissaq.

Sanarfinermut Avatangiisinullu Ataatsimiititami Justus Hansen (siulittaasoq), Uju Petersen (ilaasortaq), Lone Rosengreen Pedersen (ilaasortaq), Naya-Sophia Lyberth (ilaasortaq) aamma Peter Davidsen (ilaasortaq) peqataapput.

Sanarfinermut Avatangiisinullu Ingerlatsivimmit Hans Ulrik Skifte (pisortaq), Alex Nørskov (stabschefi), Runa Sværd (pilersaarusiornermut oqartussaaffeqarfimmilu pisortaq), aamma Louise Bruun Jensen (Stabimut Upalungaarsimanermullu immikkoortotami aqutsisoq) peqataapput. Allaffeqarfimmit Anna Rún Ólafsdóttir (ataatsimiititap allattaa) aammattaaq peqataavoq.

Ataatsimiititaq angalanermini ileqquusumik ataatsimiippoq. Matumanittaaq ataatsimiititaq suliffeqarfinnut assigiinngitsunut pulaarpoq suleqatigisanillu assigiinngitsunit Aalborg Kommunimi, Tórshavn kommunimi, Landsverk i Tórshavn-imit kiisalu illussanik titartaasartut suliffeqarfutaannit Norrønimit saqqummiiffigineqarluni.

Sanarfinermut Avatangiisinullu Ataatsimiititap angalanerminnit paasisatik ataatsimiititami suleriaqqinnerminni atussavaat.

Ingerlatsivimmit aningaasatigut sulisoqarnikkullu naliliinerit

2021-mi ataatsimiititap angalanissaanut 350.000 koruunit immikkoortinneqarnikuupput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Ataatsimiititap suleriaasia

Siusinnerusukkat aalajangiinerit

Sanarfinermut Avatangiisinullu Ataatsimiititaq, 25.11.21:

Suliffeqarfimmut Kiffartuussiviup Sanarfinermut Avatangiisinullu Ataatsimiititamut inassuteqaatigaa:

- angalanermit nalunaarusiaq akuersissutigineqassasoq

Inassuteqaat akuersissutigineqarpoq.

Ilanngussaq

1. Angalaneq pillugu nalunaarusiaq
2. Pilersaarutit

Punkt 4: Kitaani Nuummilu 2021-imut angerlarsimaffimmi paarsisartunik nakkutilliineq

Beslutning

Ilisimatitsissut tusaatissatut tiguneqarpoq, Kommunalbestyrelsimullu ilisimatitsissutitut ingerlateqqinneqarluni.

Bilag

Kitaani Nuummilu 2021-imut angerlarsimaffimmi paarsisartunik nakkutilliinermi nalunaarusiaq



Kitaani Nuummilu 2021-imut angerlarsimaffimmi paarsisartunik nakkutilliineq

Ilisimatitsissut

SagsID.: EMN-2021-15919

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LMN

Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuussutissarsionermullu Ataatsimiititamut inassuteqaatigaa:

- 2021-mi nunaqarfinni neqeroorutitik ulluuneranilu paarsisartunik nakkutilliineq pillugu ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersumi § 5, imm. 2 naapertorlugu, kommunalbestyrelsip meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai. Meeqqanik angerlarsimaffimmi paarsisoqartillugu, ukiumut sisamariarluni nakkutilliilluni orninneqartassapput, taakkunangalu ataasiarluni siumoortumik nalunaaqqaarani nakkutilliisoqartassalluni.

Kommuneqarfik Sermersooq kommunip nunaqarfiini meeqqanut suli atualingitsunut (0-niit 6-nut ukiulinnut) perorsaanikkut inerikkiartuutaasunik ulluunerani arlalinnik neqerooruteqarpoq. Nunaqarfinni Kapisilinni Qeqertarsuatsiaanilu kitaaniittuni kommune nunaqarfinni taakkunani angerlarsimaffimmi paarsisartoqarpoq. Nuummi kommune angerlarsimaffimmi paarsisartunik marlunnik peqarpoq, meeqqat paarineqartarlutik angerlarsimaffimmi paarsisartut aappaata nammineq angerlarsimaffiani, angerlarsimaffimmi paarsisartup aappaa meeqqerivik Meeqqat paarsiffigisarlugu.

Siusinnerusukkut nunaqarfik Arsuq angerlarsimaffimmi paarsisartumik peqarfiunikuuvoq. Kisianni taanna matugallarnikuuvoq, meeqqat amerlassusaat nunaqarfimmilu paarsisoqarnissaanik pisariaqartitsinerup amigarnera pissutigalugu. Kisianni Ulluunerani neqeroorutitut immikkoortortap ilisimavaa, nunaqarfimmi paaritinnissamik pisariaqartitsisoqalerumaartoq, taamaalillunilu angerlarsimaffimmi paarsisoqartarneq atulereqqinneqassalluni. Tamanna suli pisimanngippat, pissutaavoq, nunaqarfimmi meeqqat utaqqisut allattorsimaffiinit arlaannaannulluunniit angajoqqaavisa suli nalunaarutigisimanginnerat.

Ulluunerani neqeroorutitut immikkoortortap 2021-p ingerlanerani nunaqarfinni angerlarsimaffimmi paarsisartut Kitaaniittut Nuummilu nakkutilliiffiginikuuai.

Nakkutilliinerni taakkunani immikkut erseqqissaatigineqassaaq, Kapisilinni angerlarsimaffimmi paarsisartumut taartaasartumik pissarsinissaq ajornakusoortuummat. Taamaasilluni angerlarsimaffimmi paarsisartoqarneq aasaq matugallartariaqarsimavoq, sulisut akornanni sivisuumik napparsimaneq pissutigalugu sulingittoqarnera pissutigalugu.

Nakkutilliinerit nalaanni aamma erseqqissaatigineqarpoq, nunaqarfinni paarsisartuni sulisut attaveqarnerulernissaq perorarsaanermullu tunngasunik paarlaasseqatigiinnerulernissaq, kommunimilu ulluunerani neqeroorutitut tunngasuni sulisunik allanik isumassarsionerusarnissaq ujjartortaraat. Tassunga atatillugu Ulluunerani neqeroorutitut immikkoortortap ulluunerani



neqeroorutini sulisut pikkorissartinneqarnissaat sulissutigaa, nunaqarfinni sulisut tamatumani ilaatillugit, tamannalu iluatsillugu misilittakkanik isumassarsianillu avitseqatigiittoqarsinnaassalluni.

Nakkutilliinerit saniatigut Ulluunerani neqeroorutinut immikkoortortap aamma angerlarsimaffimmi paarsisartut ataavartumik ornittarpai, taakkunani sapaatip akunneranut pilersaaruserit, meeqqanik misiliinerit, misiliinerillu taakkua ulluinnarni qanoq atorneqarsinnaanerisa suliarineranni ikiuttoqartarluni. Tamakkua saniatigut sivikitsukkuutaamik pikkorissaasoqartarpoq. Ulluunerani neqeroorutinut immikkoortortaq nunaqarfinni angerlarsimaffinni paarsisartunut ataavartumik oqarasuaatikku attaveqartarpoq, tassuuna sulisut siunnersorneqartarput, ulluinnarnilu apeqqutit assigiinngitsut pillugit ikiorserneqartarlutillu ikorfartuiffigineqartarput.

Ulluunerani neqeroorutinut immikkoortortaq skemamik assigiissaakkamik suliaqarnikuuvoq, nunaqarfinni angerlarsimaffimmi paarsisartunik nakkutilliinerit atatillugu atugassamik. Kisianni taanna 2021-mi nakkutilliartornernut atatillugu atorneqanngilaq, nakkutilliartorluni takkuffissap nalaani suli naammassineqarsimanginnera pissutigalugu. Ulluunerani neqeroorutinut immikkoortortap naatsorsuutigilluinnarpaa, skema 2022-mi nakkutilliartornerni aallaavigineqarluarumaartoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-meersoq

Siusinnerusukku aalajangiinerit

Meeqqanut Atuarfeqarnermullu Ataatsimiititaq, 08.12.21:

Ilisimatitsissut tusaatissatut tiguneqarpoq.

Ilanngussaq

1. Kitaani Nuummilu 2021-imut angerlarsimaffimmi paarsisartunik nakkutilliinermit nalunaarussiaq

Punkt 5: Café Toqqorfik nuummi imigassanik aalakoornartulinnik sassaallinissamut akuersissummut type B-mik qinnuteqaat

Beslutning

Inassuteqaat akuersissutigineqarpoq.

Café Toqqorfik nuummi imigassanik aalakoornartulinnik sassaalliinissamut akuersissummut type B-mik qinnuteqaat

Aalajangiiffigisassaq

SagsID.: EMN-2021-16833

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititadamut inassuteqaatigaa:

- Café Toqqorfik, Charlie Brandt, Hans Egedesvej 29, 3900 Nuuk, imigassanik aalakoornartulinnik sassaalliinissamut akuersissut type B pillugu qinnuteqaat akuersissutigineqassasoq

Suliassamik saqqummiussineq

Suliffeqarfimmut Kiffartuussivimmit Café Toqqorfik, Hans Egedesvej 29, 3900 Nuuk Charlie Brandt-mit imigassamik aalakoornartortalimmik type B-mik imigassanik aalakoornartulinnik sassaalliinissamut qinnuteqaat tiguneqarpoq.

Café Toqqorfik nutaamik piginnittoqalernikuuvoq, taamaattumik akuersissummik nutaamik qinnuteqaateqartoqarpoq.

Imigassaq pillugu Inatsisartut Inatsisaat nr. 35, 23. november 2017-imeersoq naapertorlugu imigassamik sassaallersinnaanermut akuersissummut siullermeersumik qinnuteqarnermik paasissutissat tamarmik Suliffeqarfimmut Kiffartuussivimmit pissarsiarineqareerput.

Tamatuma saniatigut qinnuteqaat Kalaallit Politiit, Qatserisartoqarnermut Oqartussaasut, Meeqqanut Ilaqutariinnullu Ingelatsivik aammalu Suliffeqarfimmut Kiffartuussivik, Peqqinnermut Sammisassaqartitsinermullu Immikkoortortaqaarfik tusarniaassutigineqarpoq, tamannalu oqaaseqaateqarfigineqarsimanngilaq.

Suliffeqarfimmut Kiffartuussivimmit Café Toqqorfik imigassanik aalakoornartortalimmik sassaallersinnaanermut akuersissummik type B-mik tunineqarnissaanut piumasaqaatinik naammassinnittutut nalilerneqarpoq.

Imigassaq pillugu akuersissutit ukiunut pingasunut atuuttussanngorlugit tunniunneqartassapput.

Kommuneqarfik Sermersuumi Kommunalbestyrelse tunngaviumik akuersissuteqartarnermut atatillugu politikki malillugu imigassamik sassaallersinnaanermut qinnuteqaatinut itigartitsinermi tulliuttut tunngavigineqartarput:

- Suliffeqarfinni kantiinat imigassaqarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit sassaalliisarfiillu assigisaat imigassanik kimittuunik tuniniaasussaasariaqanngillat. Taamaattorli sassaallertartut imigassanik kimikitsunik sassaallertarnissaat Kommunalbestyrelsimit aalajangerneqarsinnaavoq.

Suliali ataasiakkaat naliliiffigineqartassapput aalajangersimasumik nalilersuinissamut periarfissaqartassammat.

Kommuneqarfik Sermersuumi imigassamik sassaallersinnaanermut akuersissuteqarnermik aalajangersimasumik periusaavoq akuersissuteqartarnermut atatillugu Kommunalbestyrelsip politikkini malillugu assigiissaarinissamut toqqammaviusoq tulliuttut tunngavigalugit allatut aalajangiissalluni:

- Najugaqarfiit eqqaanni sassaalliisarfiit nutaat Kommunalbestyrelsimit illoqarfiup pilersaarusionsorneqarnera naapertorlugu itigartissallugit nalunaarfigisinnaavai
- Sumiiffinni arlalinnik sassaalliisarfeqartoqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat.

Pisuni allani tamakkiisumik naliliinerit tunngavigalugit imigassartornermi naleqquttumik ileqqoqarnissap qulakkeerneqarnissaanut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaasalu allat qanittuanni inissisimappata, taakkuummatami inuusuttunit ornigarneqarluartut.

Imigassamik sassaakkersinnaanermut akuersissummut paasisutissat tamarmik Suliffeqarfimmut Kiffartuussivimmit pissarsiarineqareerput. Suliffeqarfimmut Kiffartuussivimmit Cafe Tamu imigassanik aalakoornartortalimmik sassaallersinnaanermut akuersissummik tunineqarnissaanut piunasaqaatinik naammassinnittutut nalilerneqarpoq.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviannngilaq.

Suliffeqarfimmut Kiffartuussivimmit aningaasatigut naliliineq

Pingaaruteqannngilaq.

Inatsisitigut tunngavissaq allakkallu tunngaviusumik uppersaataitallit

- Inatsisartut Inatsisaat nr. 35, 23. november 2017-imeersoq
- Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 12. juni 2019-imeersoq.
- Inuit imigassanik aalakoornartulinnik nioqquteqartarfiit sassaallertarfiillu aaqjissuunneqarneri atorneqarnerilu pillugit Namminersornerullutik Oqartussat Nalunaarutaat nr 19. ulloq 29. marsi 1990-imeersoq
- Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlulit Oqartussat nalunaarutaat nr. 4, 4. marsi 2011-meersoq
- Imigassaq pillugu politikki, Kommuneqarfik Sermersooq, oktobari 2020

Ilangussat

Soqannngilaq.

Punkt 6: Attartortut tamarmik Ineqarneq pillugu naammagittaalliuuteqartarfimmut naammagittaalliuuteqarsinnaanerat

Beslutning

Inassuteqaat akuersissutigineqarpoq.

Bilag

09.12.2021 VedtÅgter for BoligklagenÅvnet DK_49499_KAL.docx

Attartortut tamarmik Ineqarneq pillugu naammagittaalliuuteqartarfimmu naammagittaalliuuteqarsinnaanerat

Aalajangiiffigisassaq

EMN-2021-16382

Suliffeqarfimmu Kiffartuussivik - Kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Kommunalbestyrelsip Ineqarneq pillugu naammagittaalliuuteqartarfimmik pilersitsisoqarnissaanik aalajangiinerata, imm. 24, ulloq 23. novembari 2021-mi, atorunnaarsinneqarnissaa
- Ineqarneq pillugu naammagittaalliuuteqartarfiup pilersinneqarnissaa akuerineqassasoq, naammagittaalliuutinik inissiaatini attartortittakkani Iserit A/S-imit Nuuk City Development A/S-imiillu pigineqartuni attartortuneersunik suliaqarsinnaasumik kiisalu inissiani Kommuneqarfik Sermersuup, Iserit A/S-ip Nuuk City Developmentillu attartorsimasaanni kingornalu inunnut attartortitaanni ineqartunit naammagittaalliuutaasut
- Ineqarneq pillugu naammagittaalliuuteqartarfiup ileqqoreqqusassaasut siunnersuut ilanngunneqartoq akuersissutigineqassasoq
- Iserit A/S-imi aamma Nuuk City Development A/S-imi immikkut ittumik ataatsimeersuarnissamut aggersaasoqarnissaa akuersissutigineqassasoq tassani aalajangiussaq nalunaarutigalugulu aamma akuersissutigineqassasoq
- imm. 3 malillugu aggersaaneq pisassasoq pisinnaasooqartinnagu aamma ilimasaarisooqartillugu
- Kommunaldirektørip ataatsimeersuarnermi peqataasinnaatitaanermi piginneqataasooq sinnerlugu taasisinnaatitaanini atorsinnaagaa akuersissutigineqassasoq
- Ineqarneq pillugu naammagittaalliuuteqartarfimmi siulittaasussamik kiisalu siulittaasumut sinniisussamik toqqaanissamut kommunaldirektøri pisinnaatinneqassasoq
- Ineqarneq pillugu naammagittaalliuuteqarfimmi allatseqarfik pilersinneqassasoq sulisulersorlugulu
- suliaq akuersissutissanngorlugu Kommunalbestyrelsimut ingerlateqqinneqassasoq

Suliamik saqqummiussineq

Attartortut tamarmik ineqarneq pillugu naammagittaalliuuteqartarfimmu naammagittaalliuuteqarsinnaanngortinneqarnerisa kinguneranik, attartortullu attartortitsisumik aaqqiagiinngissuteqarnerat aalajangiiffigineqarnissaat pillugu, matumuuna siusinnerusukku Ineqarneq pillugu naammagittaalliuuteqartarfimmik pilersitsinissamik aalajangiineq atorunnaarsinneqarpoq aamma Ineqarneq pillugu naammagittaalliuuteqartarfik, kommunimit imaluunniit kommunip ingerlatseqatigiiffiini attartortunit tamanit naammagittaalliuuteqarfineqarsinnaasumik pilersitsisoqassaaq.

Kommunip inissiaatai Iserit A/S-imut aamma Nuuk City Developmentimut tunniunnerini Ineqarneq pillugu naammagittaalliuuteqartarfiup Naalakkersuisunit pilersinneqartup tungaaniit oqaatigineqarpoq inissiat tunniussinermi kommunip inissiaataatut isigineqarunnaassasut taamaamat attartortut ineqarneq pillugu naammagittaalliuuteqartarfimmu naammagittaalliuuteqarsinnaajunnaartut. Tamanna illuni Kommuneqarfik Sermersuup inunnut attartorteqqitassatut attartugaani attartortunut aamma atuuppoq. Kommunimit aamma kommunip ingerlatseqatigiiffiini attartortut tamarmik assigiimmik pineqartussaanerat aamma assigiimmik sullinneqartussaanerat malillugu, Kommuneqarfik Sermersuumi, Iserit A/S-imi taamatullu Nuuk City Development A/S-imi attartortut pillugit, kommunimi Ineqarneq pillugu naammagittaalliuuteqartarfimmik pilersitsisoqarnissaa naapertuunnerpaajuvoq

Ineqarneq pillugu naammagittaalliuuteqarfiup ukiumut nalunaarusiaani allaqqasuni takuneqarsinnaavoq, Illuut A/S aqqutigalugu attartortuniit isumaqatigiinngissutaasut minillugit Namminersorlutik Oqartussat aamma kommunip inissiaataanni attartortittakkani attartortut attartortitsisullu akornanni isumaqatigiinngissutaasut Ineqarneq pillugu naammagittaalliuuteqartarfimmiit aalajangiiffineqartartut. Aaqqissuussap nutaamik kingunerisaanik siunertarineqanngikkaluarpoq Iserit A/S-imi attartortut inatsisitigut inissisimanerisa allanngornissaat.

Ileqqoreqqusassatut siunnersuutit ilanngunneqartut malillugit siunnersuutigineqarpoq kommunimi Ineqarneq pillugu naammagittaalliuuteqartarfik pilersinneqartusaaq maannakkut Ineqarneq pillugu naammagittaalliuuteqartarfittulli piginnaasaqartinneqassasoq. Tassa imaappoq, Kommuneqarfik Sermersuumi inissiani attartortittakkani Iserit A/S-imut aamma Nuuk City Development A/S-imut naammagittaalliuutit tunniunneqartut suliarisassallugit, aamma naammagittaalliuut Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersumit tunngaveqarpat aalajangersakkat imaapput:

- 1) Ineqarnermut akiliutinik qaffaanissamik siumoortumik ilisimatitsisarnermi piumasarisat.
- 2) Aserfallatsaaliuineq iluarsaassinerlu.
- 3) Inissiap iserterfigineqarnerani qanoq issusia.
- 4) Attartukkami atortut ikkussukkat pitsanngorsaanerillu (atuisinnaatitaaneq).
- 5) Attartortup atukkaminik atuinera (malittarisassanik unioqqutitsinerit).
- 6) Atuisinnaatitaanerup allanut tunniunneqarnera (inissianik paarlaateqatigiinneq, attartukkamik allanut attartortitsigallarneq aamma attartornermik nangitsineq).
- 7) Inissiamit aninermi inissiap qanoq ittuunera (iluarsaassineq nalinginnaasoq).

Ileqqoreqqusassatut siunnersuummi ilanngunneqartumi takuneqarsinnaasoq naapertorlugu Ineqarneq pillugu naammagittaalliuuteqartarfik siulittaasoqarpoq pingasunillu ilaasortaataqarluni. Siulittaasoq siulittaasumullu sinniisoq Kommuneqarfik Sermersuumi Aningaasaqarnermut Inuussutissarsiornermullu Ataatsimiititamit toqqarneqassapput, marluullutilu ineqarnermut tunngasunik immikkut ilisimasaqartuussapput imaluunniit inatsisilerinermut kandidatitut misilitsinnermi naammassinnissimassallutik.

Naammagittaalliuuteqartarfimmi ilaasortaq tassungalu sinniisoq Kalaallit Nunaanni Sulisitsisunit toqqarneqassapput. Naammagittaalliuuteqartarfimmi ilaasortaq tassungalu sinniisoq Sulinermik Inuussutissarsiuteqartut Kattuffiannit toqqarneqassapput. Naammagittaalliuuteqartarfimmi ilaasortaq tassungalu sinniisoq inissianik piginnittunit ataatsimut toqqarneqassapput. Naammagittaalliuuteqartarfimmut ilaasortaasut sinniisuilu inissiaateqarnernut tunngassuteqartunut ilisimasaqartuussapput. Siulittaasumik, ilaasortanik taakkunungalu sinniisunik toqqaaneq ukiunut sisamanut atuuttussatut pissaaq.

Siulittaasoq taassumaluunniit sinniisua piginnittuunermut, inissianut imaluunniit attartornermut kattuffinnut immikkut attuumassuteqartuussanngilaq imaluunniit inissianik tuniniaasarnermi inuussutissarsiuteqarnikkut akulerusimasuussanngilaq. Naammagittaalliuuteqartarfimmi ilaasortaq sinniisorluunniit piffissaalluartillugu ataatsimiigiaqusaareernermi kingorna ataatsimiigiarnissaminut pisussaataavoq.

Naammagittaalliuuteqartarfik kiffartuunniarlugu aamma naammagittaalliuutit suliallu suliarisarnissaat eqqarsaatigalugit allatseqarfimmik pilersitsisoqassaaq. Allatseqarfiup naammagittaalliuutit tigoortassavai, naliliillutilu sulianik piareersaasiortassapput, naammagittaalliuuteqartarfik kiffartuutissavaa naammagittaalliuuteqartarfiullu aalajangerneri nalunaarutigisarlugit.

Ingerlatsivimmit aningaasatigut sulisoqarnikkullu naliliinerit

Ineqarneq pillugu naammagittaalliuuteqartarfimmi allatseqarfianilu aningaasartuutit tamaasa ukiumut Iserit A/S-imit aamma Nuuk City Development A/S-imit avillugit akilerneqartassapput. Suliassap naammassisarnissaanut ukiumut 1-imiit 1,5 missaani immikkoortitsisarnissaq missiliorneqarpoq.

Ineqarneq pillugu naammagittaalliuuteqartarfimmi naammagittaalliummik suliarinninneq ataaseq attartortumut akitsuut 250 koruuneqarpoq. Naammagittaalliuuteqarnermut akitsuut utertinneqassaaq attartortoq naammagittaalliuutigisamini ajugaaguni, imaluunniit suliaq Ineqarneq pillugu naammagittaalliuuteqartarfimmi suliassaangitsutut nalilerneqarpat.

Inatsisitigut tunngavissaq allakkallu tunngaviusumik uppernarsaatitalit

- o Inissiat attartortittakkat pillugit Inatsisartut peqqussutaat nr. 2, 12. maj 2005-imeersoq

Suliffeqarfimmut Kiffartuussivimmit aningaasatigut naliliineq

Oqaaseqaateqartoqanngilaq

Siusinnerusukkat aalajangernerit

Kommunalbestyrelse, 23.11.21:

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- Ineqarneq pillugu naammagittaalliuuteqartarfimmik Kommuneqarfik Sermersuup inissiatini attartortittagaanni Iserit A/S-imut Nuuk City Development A/S-imullu tunniunnerisa nalaanni attartortut naammagittaalliuutaannik tunniunneqartunik suliarinnissinnaasumik pilersitsineq akuersissutigineqassasoq
- Ineqarneq pillugu naammagittaalliuuteqartarfiup ileqqoreqqusassaatur siunnersuut ilanngunneqartoq akuersissutigineqassasoq
- Iserit A/S-imi aamma Nuuk City Development A/S-imi immikkut ittumik ataatsimeersuarnissamat aggersaasoqarnissaa akuersissutigineqassasoq tassani aalajangiussaq nalunaarutigalugulu aamma akuersissutigineqassasoq
- imm. 3 malillugu aggersaaneq pisassasoq pisinnaasoqartinnagu aamma ilimasaarisooqartillugu
- Kommunaldirektørip Ole Jakobsenip ataatsimeersuarnermi peqataasinnaatitaanermini piginneqataasoq sinnerlugu taasisinnaatitaanini atorsinnaagaa akuersissutigineqassasoq
- Ineqarneq pillugu naammagittaalliuuteqartarfimmi siulittaasussamik kiisalu siulittaasumut sinniisussamik toqqaanissamat kommunaldirektøri pisinnaatinneqassasoq
- Ineqarneq pillugu naammagittaalliuuteqarfimmi allatseqarfik pilersinneqassasoq sulisulersorlugulu

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 21.11.21:

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- ineqarneq pillugu naammagittaalliuuteqartarfimmik Kommuneqarfik Sermersuup inissiatini attartortittagaanni Iserit A/S-imut Nuuk City Development A/S-imullu tunniunnerisa nalaanni attartortut naammagittaalliuutaannik tunniunneqartunik suliarinnissinnaasumik pilersitsineq akuersissutigineqassasoq
- ineqarneq pillugu naammagittaalliuuteqartarfiup ileqqoreqqusassaatur siunnersuut ilanngunneqartoq akuersissutigineqassasoq

- Iserit A/S-imi aamma Nuuk City Development A/S-imi immikkut ittumik ataatsimiigiaqqusineq akuersissutigissagaat matumani aalajangiussa q nalunaarutigalugu aamma akuersissutigineqassasoq
- immikkoortoq 3 malillugu ataatsimiigiaqqusineq ilimasaaraluni pisariaqanngitsoq pissasoq
- kommunaldirektør Ole Jakobsenip ataatsimiinnermi peqataasinnaatitaanermini pigineqataasoq sinnerlugu taasisinnaatitaanini atorsinnaagaa akuersissutigineqassasoq
- ineqarneq pillugu naammagittaalliuuteqartarfimmi siulittaasussamik kiisalu siulittaasumut sinniisussamik toqqaanissamut kommunaldirektøri pisinnaatinnegassasoq
- ineqarneq pillugu naammagittaalliuuteqartarfimmi allatseqarfik pilersinneqassasoq sulisulersorlugulu
- suliaq inaarutaasumik aalajangiiffigisassanngorlugu Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

Ilanngusaaq

1. Ineqarneq pillugu naammagittaalliuuteqartarfimmut ileqqoreqqusaaq

Punkt 7: Nioqqutissanik kiffartuussinernillu pisinermut tunngatillugu inatsit naapertorlugu neqerooruteqartitsisarnermi kommunip ingerlatseqatigiiffiitut piginnittuuneq pillugu periusissiap nutaap maleqquneqarnissaanik siunnersuut

Beslutning

Aningaasaqarnermut Inuusutissarnermullu Ataatsimiitap aalajangiinera: Kommunip suliffeqarfiit qanoq periuseqarnerat pillugit paasissutissat sukumiinerusut allaffeqarfimmiit misissorneqareeripata siunnersuutigineqartoq aalajangiiffineqarumaarpoq.

Nioqputissanik kiffartuussinernillu pisinermut tunngatillugu inatsit naapertorlugu neqerooruteqartitsisarnermi kommunip ingerlatseqatigiiffiitut piginnittuuneq pillugu periusissiap nutaap maleqquneqarnissaanik siunnersuut

Kommunalbestyrelsimi ilaasortap Inga Dora G. Markussenip (S) Aningaasaqarnermut Inuusutissarsiornermullu Ataatsimiititamut siunnersuutaa

Aalajangiiffigisassaq

SagsID.: EMN-2021-16881

Suliffeqarfimmud Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmud Kiffartuussiviup Aningaasaqarnermut Inuusutissarsiornermullu Ataatsimiititamut inassuteqaatigaa:

- siunnersuut Aningaasaqarnermut Inuusutissarsiornermullu Ataatsimiititami oqaluuserineqassasoq ingerlariaqqinnissallu qanoq pinissaa aalajangiiffigineqarluni

Suliamik saqqummiussineq

Kommunalbestyrelsimi ilaasortaq Inga Dora G. Markussen (S) oktobarip ulluisa 31-anni Aningaasaqarnermut Inuusutissarsiornermullu Ataatsimiititamut aalajangiiffigisassatut siunnersuummik nassiussivoq. Inga Dóra G. Markussen kissaatigaa, nioqputissanik kiffartuussinernillu pisinermut tunngatillugu inatsit naapertorlugu neqerooruteqartitsisarnermi kommunip ingerlatseqatigiiffiitut piginnittuuneq pillugu periusissiap nutaap maleqquneqarnissaa ataatsimiititamit oqaluuserineqassasoq.

Tunngavilersuut:

"Inissiaatileqatigiiffik Iserit, ingerlatseqatigiiffik 100 procentimik Kommuneqarfik Sermersuumit pigineqartoq, pilersaarusernermut inissialiortiternermullu atatillugu neqerooruteqartitsinermik ingerlatsisuuvoq. Nuuk City Development, ingerlatseqatigiiffik 100 procentimik Kommuneqarfik Sermersuumit pigineqartoq, meeqqeriviliortiternermi attaveqaasersuinermilu pilersaarusernermik sanaartornermillu ingerlatsisuuvoq.

Neqerooruteqarnissamik soqutigisallit tamarmik neqerooruteqarniassammata Siumut kissaatigaa, "Pisortat oqartussaaffigisaanni suliffeqarfiinilu nioqputissanik kiffartuussinernillu pisinermut tunngatillugu neqerooruteqartitsisarneq pillugu inatsisartut inatsisaat nr. 6, 12. juni 2019"-meersumi tunngaviit ingerlatseqatigiiffinit tamanit malinneqassasut."

§ 2. Inatsisartut inatsisaat una 500.000 kr-nik taakkuluunniit sinnerlugit nalilinnik pisortani oqartussanit imaluunniit suliffeqarfiinit allanit nioqputissanik kiffartuussinernillu pisiniarnermut atuuppoq, § 3-p malitsigisaanik inatsimmi matumani pineqanngitsut ilanngunnagit, taamaattorli imm. 2 aamma 3 takuuk. "Illuliornermi sanaartornermilu suliani 2.500.000 kr.-nik imaluunniit sinnerlugit nalilinnik teknikkip tunngaatigut ikiorsiinermit Inatsisartut inatsisaat atuuppoq."

Kommunimi ingerlatseqatigiiffiit inissialiortiternermik, meeqqeriviliortiternermik attaveqaasersuutinillu suliaqartut pisortat oqartussaaffiini suliffeqarfiinilu inatsimmi qulaani tunngavinnik taaneqartunik malinninnissaat pingaaruteqarpoq.

Tamatuma saniatigut erseqqissaatigeqquneqarpoq neqerooruteqartitsinermi pilersuilersussatut toqqarneqartut ersarissumik CSR-mut tunngatillugu periusissiaqassasut, suliat ilaatigut suliffeqarfiinit taakkunanga aningaasalersorneqartut innuttaasunut iluaqutigineqalerniassammata. Suliffeqarfiit neqerooruteqartitsinermi pilersuilersussatut

toqqarneqartut CSR-mut tunngatillugu periusissiap najukkami iluaqutaasumik sunniuteqarnissaanut takussutissiissapput.

Sanaartortitsisut entreprenørillu kommunimit suliakkerneqartut lærlingeqarnissamut pisussaaffimmik tigusillutillu pilersaarummik takutitsisinnaassapput, aammalu taakkua naammassineqarsimassapput neqerooruteqartitsinermi toqqagaasimasuugunik.

Tunngaviit kommunip ingerlatseqatigiiffiinut nutaamik piginnittuunermik periusissialiarineqartumi itisilerneqarsinnaapput.”

Siunertaq:

(Nutserneqarnera Kommuneqarfik Sermersooq)

Kommuneqarfik Sermersuup piginnittuunermut periusissiaa 2016-imeersuuvoq, periusissiallu nutarterneratigut, kommunalbestyrelse nutaaq innuttaasut aningaasaataasa inuiaqatigiinni qanoq atornerarannik annertunerusumik paasisaqarlunilu sunniuteqaqataasinnaangussaaq. Piginnittuunermut periusissiaq pisortat ingerlatseqatigiiffiisa pisortat aningaasaataannik aqutaqartunut qanittoq, Siumut isumaa naapertorlugu, sapinngisamik annertuumik malinneqassaaq.”

Inga Dórap G. Markussen naatsorsuutigaa, siunnersuut missingersuutaareersut iluanni naammassineqarsinnaassasoq.

Ataatsimiititap aalajangererata malitsigisaanik Aqutsisoqatigiit Allatseqarfianit allaffissornikkut suliarineqassaaq.

Ingerlatsivimmit aningaasatigut sulisoqarnikkullu naliliinerit

Sermersuumi Inuussutissarsiornermut immikkoortortamit siunnersuutigineqarpoq, matuma siuliini pineqartunut suliniutit ingerlatseqatigiiffimmuut qanoq sunniuteqassanersut nalilleqqunissaa pillugu ingerlatseqatigiiffik attavigineqassasoq.

Suliffeqarfimmuut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersooq
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piumasaaq, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsimut suliaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliaasannortitsisinnaavoq (aqutsineq pillugu inatsimmi § 13 naapertorlugu). Oqaluuserisassannortitsineq § 4 naapertorlugu pisassaaq. Suliaq oqaluuserisassannortinneqarpat, § 8 naapertorlugu suliaq suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

Ilanngussaq

Soqanngilaq.

Punkt 8: Inussivimmi COVID-19-imut misissuivik pillugu siunnersuut

Beslutning

Aningaasaqarnermut Inuussutissarnermullu Ataatsimiitap aalajangiinera: Siunnersuuteqartup siunnersuutini tunuartippaa imatut oqaaseqaatitalugu siunnersuummi oqaaseqaatigineqartut sullissisunut akissusaasunut (Coronastab) apuunneqassasut.

Inussivimmi COVID-19-imut misissuivik pillugu siunnersuut

Kommunalbestyrelsimi ilaasortap Inga Dora G. Markussenip (S) Aningaasaqarnermut Inuussutissarsiornermullu Ataatsimiititamut siunnersuutaa

Aalajangiiffigisassaq

SagsID.: EMN-2021-16881

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- siunnersuut Aningaasaqarnermut Inuussutissarsiornermullu Ataatsimiititami oqaluuserineqassasoq ingerlariaqqinnissallu qanoq pinissaa aalajangiiffigineqarluni

Suliamik saqqummiussineq

Kommunalbestyrelsimi ilaasortaq Inga Dora G. Markussen (S) novembarip ulluisa 8-ni Aningaasaqarnermut Inuussutissarsiornermullu Ataatsimiititamut aalajangiiffigisassatut siunnersuummik nassiussivoq. Inga Dóra-mit kissaatigineqarpoq ataatsimiititami Inussivimmi COVID-19-imut misissuiveqarnera eqqartorneqassasoq

Tunngavilersuut:

(Nutserneqarnera Kommuneqarfik Sermersooq)

”Coronamik misissortinnermut atatillugu misissuisinnaanerup annertunerunissaa Kommunip isumagisussaanaaraa kiisalu kommune Misissuiviup ingerlanneqarneranut akisussaasuunersoq erseqqissarneqarsinnaava?

Innuttaasoq atsiortumut saaffiginnissimavoq meeqqani napparsimasut marluk peqatigalugit Inussiviup eqqaani utaqqilluni. Pineqartoq peqqinnissaqarfimmut saaffiginnissimagaluarpoq taakkuli Kommune aqqissuussinerumut akisussaasuunerarsimavaat.

Utaqqisut amerlasoorpassuugaluartut sila atorumarpoq oqorsarluarsimagaannilu akunnerup ataatsip missaani utaqqisoqarsinnaalluarpoq. Misissuivimmik illoqarfiup qeqqanit Inussivimmut nuussilluni aqqiissuteqarnermi amerlanerusut qiuleratik isersinnaanissaat siunertaasimavoq. Massakkulli tunillaassuuttoqarnerani nuffattoqarneranilu misissortittussat amerlanerini taamaattoqangilaq.

Misissuiviup ammaffissaanik kikkut aalajangiisarpap? Kikkut aqqissuussisuuppat? Kommune aqqissuussisuuppat siullertut ammasarfiit sivitsorneqarnissaat aappaattullu utaqqisut Inussivimmi isiginnaartut inaanniittarsinnaanissaat isumassarsiatsialaangila?

Normulersuummik pilersitsisoqarsinnaavoq, taamaalillutik inuit normunik tiguseriarlutik nammineq tullinnguutilerlutik takugaangamikku tullerriaanut ilanngutiinnartalissammata. Tamanna Nakorsaataasivimmit, Nakorsiartarfimmit sumiiffinniillu allanit ilisimavarput.”

Siunertaq:

(Nutserneqarnera Kommuneqarfik Sermersooq)

”Inuit COVID-19-imut misissortinnissaminnut utaqqinerini Inussivimmi kissalaartumiitinnissaannut isumatunerusumik aqqiissuteqarnikkut, innuttaasut pitsaannerusumik sullinneqassapput. Sullissinerup pitsanngorsarneqarnissaa kommunimi suliniutigineqartut annersarigaat eqqaamassavarput unalu innuttaasut nuanniitsumik pisoqarneranik misigisaannik pitsanngorsaatissatut assersuutaavoq ersarissoq.”

Ataatsimiititap aalajangernerata malitsigisaanik Aqutsisoqatigiit Allatseqarfianit allaffissornikkut suliarineqassaaq.

Ingerlatsivimmit aningaasatigut sulisoqarnikkullu naliliinerit

Suliffeqarfimmut Kiffartuussivimmit oqaatigineqarpoq, Peqqinnissaqarfimmit, Peqqissutsimut Naalakkersuisoqarfimmit kiisalu Nakorsaaneqarfimmit Misissuisarfiup ingerlanneqarnera tamaat akisussaaffigineqartoq, aamma misissuisarfiup ammasarfii ilanngullugit.

Kommuneqarfik Sermersooq ininik isumaginnittuuvoq (massakkut Inussivik) peqqinnissaqarfimmut atortinneqarpoq - Namminersorlutik Oqartussat halip ingerlanneqarneranut akiliuteqartillugit.

Tamatuma saniatigut kommune misissuisussanik killeqartunik ikiuisarpoq, tamatumani aningaasanut tunngasut Namminersorlutik Oqartussanit akisussaaffigineqarput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Inatsisartutlov nr. 29 af 17. november 2017 om den kommunale styrelse:
Kommunalbestyrelsimut ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliaassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

Ilanngussaq

Soqanngilaq.

Punkt 9: Kommuneqarfik Sermersuumi Najukkami Ataatsimiititaliami 2022-mut aningaasaliissutinik agguaassineq

Beslutning

Inassuteqaat akuersissutigineqarpoq, imatut allannguutitalerlugu: Nuummi Najukkami Ataatsimiititaliap siunnersuutaai taamatut isikkoqartillugit akuersissutigineqanngillat. Ataatsimiitamiit piumasarineqarpoq missingersuutitut siunnersuutit sukumiinerusumik aammalu ersarinnerusumik allaaserineqassasut.

Kommuneqarfik Sermersuumi Najukkami Ataatsimiititaliami 2022-mut aningaasaliissutinik agguassineq

Aalajangiiffigisassaq

SagsID.: EMN-2021-16930

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamut inassuteqaatigaa:

- Nuummi, Paamiuni, Tasiilami Ittoqqortoormiinilu Najukkami Ataatsimiititaliami 2022-mut aningaasaliissutinik agguassinissaat akuersissutigineqassasoq

Suliassamik saqqummiussineq

Illoqarfiit tamarmik immikkut najukkamik ataatsimiititaliaqarput aningaasaliissutitalinnik. Matumani najukkami ataatsimiititaliat 2022-mut aningaasaliissutit pingaarnersiorlugit agguataarneqarnissaannut siunnersuut Aningaasaqarnermut Inuussutissarsionermullu Ataatsimiititamut saqqummiunneqarpoq.

Skemami tulliuttumi najukkami ataatsimiititaliani ataasiakkaani aningaasaliissutit immikkut kiisalu immikkoortunut pingaarnernut agguataakkat saqqummiunneqarput. Immikkoortuni tamani aningaasaliissutit suliniutinut suliassanullu aalajangersimasunut atugassiissutigineqarsinnaapput, Najukkami Ataatsimiititaliamit namminermit imaluunniit innuttaasunit peqatigiiffinniilluunniit aqqissuunneqartumik, Najukkami Ataatsimiititaliamit aningaasaliiffigineqarnissanik qinnuteqaateqarsimasunit.

Najukkami Ataatsimiititaliap 2022-mut aningaasaliissutinik atugassiissuteqarnermini suliniutissat/suliassat ileqqoreqqusani §2 imm 5-imi aningaasaliissutissat atornissaannut piunasaqaatinut Najukkami Ataatsimiititaliamit aalajangersarneqarsimasunut naapertuuttuunersut pingaartissavaa. Suliniutissat/suliassat tamarmik ingerlatsiviit attuumassuteqartut qanimut suleqatigalugit ataqatigiissarneqassapput.

Nuummi Najukkami Ataatsimiititaliamit aningaasaliissutit kr. 3.470.000-it siunertanut tulliuttunut atorneqarusupput:

Siunertat/Suliniutit/Sammisassaqaartitsini utit:	Tunngavilersuut:	Aningaasaliissut:
Sanaartorneq: Silami isiginnaartitsiviit Oqqisarfik / Illuaqqat Pinnguartaarfiit Qammaqqutit Periusissiornermi ineriartortitsinissamut pilersaarut (Norrøn) Illoqarfiup qeqqani sisorartartut majuartaataat Sannaviit / Sungiusartaarfiit Illoqarfik saligaatsoq	<ul style="list-style-type: none"> - Illoqarfik tunniussassaqaqarluartoq / Illoqarfik uummaarissoq - Illoqarfimmi illoqannginnersat pillugit nutaamik eqqarsaasersorneq – illuliortaatsikkut, kulturikkut timersornikkullu - Nuuk tamanut, aamma nuussimasunut - Nuummut tikinnermi tikilluaqquneqartutut misigisimatitsisoq. 	624.600,-



	<ul style="list-style-type: none"> - Eqqumiitsuliortutut inuussuteqartut - Peqqinneq illoqarfimmi, silamilu aamma. - Nuuk Issittumi qitiusutut - Sammisassaqaarneq toqqissisimanerlu - Nipilersorneq nipilersortartullu atugaat pitsaannerusut - Illoqarfik saligaannerusaq, peqqinnannerusaq kusanannerusorlu 	
Illoqarfik Qaqqallu	<ul style="list-style-type: none"> - Illoqarfimmi illoqannginnersat pillugit nutaamik eqqarsaasersorneq – illuliortaatsikkut, kulturikkut timersornikkullu - Illoqarfimmi najugaqartunut attuumassuteqartut takornarianut attuumassuteqassapput. - Illoqarfimmi illoqannginnersami suliffeqarfinnullu tunngasuni kulturimut tunngasumik suliniummik ingerlatsineq - Nuuk allanngoriartorpoq - Peqqinneq illoqarfimmi, silamilu aamma. - Kangerluk - eqqagassat qimaannakkallu - Iggiaata eqqaa - Nuussuup kujasissuani qorsooqqinnerit - Illoqarfik saligaannerusaq, peqqinnannerusaq kusanannerusorlu 	416.400,-
Illoqarfiup immikkoortortai (Nuussuaq) Uummatit Aqqaata nanginnera	<ul style="list-style-type: none"> - Illoqarfik tunniussassaqaqarluartoq / Illoqarfik uummaarissoq - Illoqarfimmi pilersaarusiorneq / Illoqarfimmik ineriartortitsineq - Sammisassaqaarneq toqqissisimanerlu - Meeqqat inuusuttullu - Pinnguartaarfiit, aserfallatsaaliorneqartariaqanngit sut - Iggiaata eqqaa - Nuussuup kujasissuani qorsooqqinnersat 	416.400,-
Inooqataanermi ataatsimoortitsineq Meeqqat Inuusuttullu Angerlarsimaffeqanngitsut Utoqqaat inuillu innarluutillit.	<ul style="list-style-type: none"> - Innuttaasunik peqataatitsineq, Najukkami Ataatsimiititaliami peqataatitsilluni suliaqartarneq - Nuuk tamanut, aamma nuussimasunut - Nuummut tikinnermi tikilluaqquneqartutut misigisimatitsisoq. 	347.000,-



	<ul style="list-style-type: none"> - Nuuk allanngoriartorpoq - Meeqqat inuusuttullu - Utoqqaat - Inuuniarnermikkut ilungersuuteqartunik peqataatitsineq - Siuttuulluni suliniuteqarneruneq - Sunilluunniit assigiinngitsunik isiginnittaaseqarluni isiginninniarneg 	
<p>Aalasa / Bevægelse Meeqqat Inuusuttullu Angerlarsimaffeqanngitsut Utoqqaat inuillu innarluutillit.</p>	<ul style="list-style-type: none"> - Illoqarfik tunniussassaqaqarluartoq / Illoqarfik uummaarissoq - Peqqinneq illoqarfimmi, silamilu aamma. - Sammisassaqaqarnek toqqjissisimanerlu - Meeqqat inuusuttullu - Utoqqaat - Inuuniarnermikkut ilungersuuteqartunik peqataatitsineq - Siuttuulluni suliniuteqarneruneq - Innuttaasunik peqataatitsineq, Najukkami Ataatsimiititaliami peqataatitsilluni suliaqartarnek - Sunilluunniit assigiinngitsunik isiginnittaaseqarluni isiginninniarneg 	104.100,-
<p>Innuttaasunik peqataatitsineq aamma paasititsiniaanerit Illoqarfik / avatangiisit eqqiluittut</p>	<ul style="list-style-type: none"> - Innuttaasunik peqataatitsineq, Najukkami Ataatsimiititaliami peqataatitsilluni suliaqartarnek - Avatangiiseq – kuuffissuit pitsaannerusut, Co2, nukissiuutitigut mingutsitsisuunngitsunik qaammaqqutit - Illoqarfimmi eqqagassat - Illoqarfik saligaannerusoq, peqqinnarnerusoq kusanarnerusorlu - Kangerluk - eqqagassat qimaannakkallu 	69.400,-
<p>Eqqumiitsuliat Kulturilu - Sammisassaqaqtitsinerit Pop-up-itut annikitsumik eqqumiitsuliornermut/kulturimut tunngasunik saqqummersitsillattaarnerit</p>	<ul style="list-style-type: none"> - Illoqarfik tunniussassaqaqarluartoq / Illoqarfik uummaarissoq - Illoqarfimmi illoqannginnersat pillugit nutaamik eqqarsaasersorneq – illulioraatsikkut, kulturikkut timersornikkullu - Illoqarfimmi najugaqartunut attuumassuteqartut takornarianut attuumassuteqassapput. - Illoqarfimmi illoqannginnersani suliffeqarfinnullu tunngasuni kulturimut tunngasumik suliniummik ingerlatsineq 	694.000,-

	<ul style="list-style-type: none"> - Eqqumiitsuliortutut inuussuteqartut - Nuuk allanngoriartorpoq - Sammisassaqaqneq toqqissisimanerlu - Nipilersorneq nipilersortartullu atugaat pitsaanusut 	
Eqqumiitsuliat Kulturilu - Piujuartussanik ikkussukat Blokkiniq kusassanerit Illoqarfimmi illoqannginnersani eqqumiitsuliat	<ul style="list-style-type: none"> - Illoqarfik tunniussassaqaqruartuq / Illoqarfik uummaarissoq - Illoqarfimmi illoqannginnersat pillugit nutaamik eqqarsaasersorneq – illuliortaatsikkut, kulturikkut timersornikkullu - Illoqarfimmi illoqannginnersani suliffeqarfinnullu tunngasuni kulturimut tunngasumik suliniummik ingerlatsineq - Eqqumiitsuliortutut inuussuteqartut 	347.000,-
Allaffissorneq, Akissarsiassat ilanngullugit		451.100,-
Katillugit		3.470.000,-

Paamiuni Najukkami Ataatsimiititaliap aalajangerpaa, 2022-imi aningaasaliissutit immikkoortunut arfinilinnut pingaarnut ukununga agguataarneqassat:

- Meeqqanut Inuusuttunullu
- Illoqarfimmi kulturi kusassanerillu
- Inuttut atugarisat peqqinnerlu
- Utoqqaat inuillu innarluutillit.
- Timersorneq silamilu inuuneq
- Illoqarfiup immikkoortuinut pilersaarusiorneq, pinngortitaq avatangiisillu

Paamiuni Najukkami Ataatsimiititaliamit aningaasaliissutit kr. 350.000 siunertanut tulliuuttunut atornerarusupput:

Siunertat/Suliniutit/Sammisassaqaqtitsiniutit:	Tunngavilersuut:	Aningaasaliissut:
Kulturimut il.il.	<p>Meeqqanut workshopertitsineq, qulequttat tassaapput nipilersorneq kulturilu, soqutigisarlu aallaavigalugu ingerlanneqassapput.</p> <p>Adventit siulliat: Orpiup ikinnerani meeqqanut juullerpalaartunik pissaqaqtitsineq.</p> <p>Inuiattut ullorsiorneq.</p>	150.000,-
Mittarfeqarfiup tungaani illuaqqap inerisaqqinnissaa	<p>Ukiut kingullit mittarfiup tungaani ilaqtariit sammisaqaqatigiiffiginnaasaannik piffik inerisaaffigineqarnikuuvoq, illuaqqamik nappaasoqarnikuulluni.</p> <p>Takorluugaavoq ilaqtariit umiatsiaaqqamik/ angallatinik aallarsinnaanngitsut pisullutik asiartarfiginnaassagaat. Illuaraqarpoq, ukioq 2022-</p>	30.000,-

	milu meeqqat pinnguartarfigisinnaasaannik, taavalu grilleriffigisinnaasamik nunap pissarititai atorluarlugit inerisaasoqaqqinnissaanik suliniuteqartoqarpoq.	
Illoqarfimmik kusassaaneq	<p>Illoqarfimmi silami arsakoofiit eqqaavittallit napparutini nivingasut.</p> <p>Blokkit saneraanni qalipakkat/ eqqumiitsuliat.</p> <p>Qaarsut eqqumiitsuliorfigalugit. Tassani atortussat/ sakkut pigineqareerput.</p> <p>Ikaartarfissuaq "Paamiut Asasara-mik" ilisarnaaserlugu allagartarsualerneqarnissaa.</p> <p>Narsartami/Parkimi naatitsilluni, innuttaasut peqatigalugit.</p> <p>Iliveqarfimmik kusassaaneq, tassanilu iliveqarfitoqqami iliveqarfittaamilu sanningasuliinissaq, eqqaassutissatut.</p>	70.000.-
Saligaatsoq 2021	Ukioq 2022-mi innuttaasut suleqatigalugit illoqarfiup salinneqarnera. Tamannalu pissaaq Inuiattut ullorsiunngilaarnitsinni.	10.000.-
Innuttaasunut pikialaartitsineq, sammisaqartitsinerlu.	<p>Maajimi peqqissuuvugut ingerlanneqarnerani Najukkami Ataatsimiititaliaq arpatsitsivoq, utoqqaat pisuttuaqatigiissillugit, sutugassartalimmik.</p> <p>Anaalerivik. Mitaallaqqinneqqusaatsitsineq.</p> <p>Inuttut inerikkiartorneq Tunngaviit pingasut qulequtaralugit.</p> <p>Innuttaasunik sammisaqartitsineq/pinaveersaartitsineq. Sisorartitsineq, sutugassat kissartut il.il.</p> <p>Apummik narsartami /parkimi inuusaliortitsineq, unammiaarnertalimmik sammisaqartitsilluni.</p>	50.000.-
Narsartami/ Parkimi qaammaqqutissanik qulleeralersuineq	Orpiup ikinneranut atatillugu qulleeralersuineq alianaannissaanullu suliaqarneq.	40.000.-
Katillugit		Kr. 350.000,-

Tasiilami Najukkami Ataatsimiititaliap aalajangerpaa, 2022-imi aningaasaliissutit immikkoortunut sisamanut pingaarnernut ukununnga agguataarneqassasut:

- Kulturi
- Innuttaasunik sammisaqartitsineq
- Illoqarfimmi kusassaaneq.
- Pinngortitami piniartunut illuaraq

Tasiilami Najukkami Ataatsimiititaliamit aningaasaliissutit kr. 350.000-it siunertanut tulliuuttunut atorneqarusupput:

Siunertat/Suliniutit/ Sammisassaqartitsiniutit:	Tunngavilersuut:	Aningaasaliissut:
Kulturi	Aningaasat inuiattut ullorsiornermi sammisassaqartitsinermit assigiinngitsunut atorneqarnissaat siunertaavoq. Assersuutigalugu kulturikkut sammisassaqartitsinermit, soorlu tivaneq, tamannami aningaasaliissutinit tapersersorneqarnissaa kissaatigineqarmat.	60.000,-
Innuttaasunik sammisassaqartitsineq	Illoqarfimmi torersaassilluni eqqakkanik katersineq. Ukiumut pingasoriarluni, aasaanerani lu saleereernerup kingorna silami neqinik siatsisoqartassaaq, kiisalu peqataasimasut akornanni pinnatassanik makitsisoqartassalluni. Novembarip qaammataani peqatigiiffiit suleqatigalugit innuttaasunut "assuarluni nereqatigiinneq" ingerlanneqassaaq, unnuk aalakoornartulimmik imigassartaqanngitsumik aliikkusersuinertalimmillu ingerlanneqassaaq.	30.000,-
Pitsaaliuineq	Peqatigiiffiit suleqatigalugit innuttaasunik paasititsiniaaneq pitsaaliuinerlu ingerlanneqassapput, tassani peqatigiiffiit pitsaaliuinermit suliniuteqartassapput kiisalu kaffimik, tiimik kaaginillu sassaalliinermit taperserneqassallutik.	15.000,-
Illoqarfimmik kusassaaneq	Illoqarfiup kusassarneqarnissaa sulissutigineqassaaq. Silami issiaviit kusassarlugit uuliaternerqassapput. Illoqarfiup qeqqanut inissinneqartussat. Kangerlummi kuuit eqqaanni, illuaqqap najukkami ataatsimiititaliamit sananeqartup tungaanut, ikaartarfiit marluk. Taava pisulluni orninneqarsinnaanngussapput. Arsaattarfimmi isiginnaartut issiavii kiisalu aqquserngup tungaanut sinaakkusersuisoqassaaq. Illoqarfiup qeqqani juullimut kusassaatinik qaammaqqusersuineq. Suliffeqarfinni suleqatigineqarsinnaasunik pissarsiorneq.	215.000,-
Namminneq piumassutsiminnik suliaqartunut tapiissutit	Illoqarfimmi namminneq piumassutsiminnik suliaqartartut kiisalu innuttaasunut ataatsimoortitsillutik suliaqartartut kaffimut, tiimut kaaginullu taperneqartarput. Aaqqissuussat tamarmik aalakoornartortalimmik imigassartaqanngitsumik ingerlanneqartarput.	30.000,-
Katillugit		350.000.-

Ittoqqortoormiini Najukkami Ataatsimiititaliap aalajangerpaa, 2022-imi aningaasaliissutit immikkoortunut arfinilinnut pingaarnernut ukununnga agguataarneqassasut:

- Meeqqanut Inuusuttunullu
- Illoqarfimmi kulturi kusassaanerillu
- Inuttut atugarisat peqqinnerlu
- Utoqqaat inuillu innarluutillit
- Timersorneq silamilu inuuneq
- Illoqarfiup immikkoortuinut pilersaarusionerq, pinngortitaq avatangiisillu

Ittoqqortoormiini Najukkami Ataatsimiititaliamit aningaasaliissutit kr. 140.000-it siunertanut tulliuuttunut atornerqarusupput:

Siunertat/Suliniutit/ Sammissassaqartitsiniutit:	Tunngavilersuut:	Aningaasaliissut:
Peqatigiiffinnut tapiissutit	Peqatigiiffinnut atortunut immikkut ittunut kiisalu pinnatassanut il.il. pissarsinissamut.	40.000.-
Nersornaatinut	Inuiattut ullorsionerme kiisalu juullimut aaqqissuussinermi decembarip 21-annut innuttaasumik immikkut ittumik suliniuteqarsimasumut nersornaasiisarneq ileqqunngorsimavoq.	3.000,-
Illoqarfik Eqqiluitsoq "Saligaatsoq"	Ukiut tamaasa innuttaasut suleqatigalugit illoqarfimmi saliineq aaqqissuunneqartarpoq.	10.000,-
Juullimi ataatsimooqatigiinneq	Juullimi ataatsimooqatigiinnermik aaqqissuussineq, tassunga atatillugu juullerpalaartunik tamulugassaqaqtitsisoqartarpoq.	7.000,-
Illoqarfimmi ataatsimoorneq	Nereqatigiinnertalimmik ataatsimoorneq.	10.000,-
Illoqarfimmi silami issiaviit	Illoqarfik orniginarnerunissaa anguniarlugu silami, qamutunik, issiavilersuisoqarnissaa kissaatigineqarpoq.	70.000.-
Katillugit.		Kr. 140.000,-

Ingerlatsivimmit aningaasatigut sulisoqarnikkullu naliliinerit

Nuummi Najukkami ataatsimiititaliamit suliasamik saqqummiussinermi siunnersuutit ataasiakkaat saqqummiunneqartut piffissami matumani Sanarfinermut Avatangiisinullu Ingerlatsivimmiit oqaaseqarfigineqanngillat.

Ingerlatsivik kissaatigineqartut sulissappat Ingerlatsivimmut pingaaruteqarpoq siunnersuutit sukumiinerusumik erseqqissarneqarnissaat. Assersuutigalugu Qammaqqusersuineq pillugu pisariaqarpoq Nuummi Najukkami ataatsimiititaliap oqaloqatiginissaa, tassani kusassaaneq, aqqusinnermi qullit, qulliillu assigiinngitsunik qalipaattillit assigisaalluunniit pineqarnersut paasiniarlugu.

Taamatullu ingerlatsiviup nalilerpaa, Nuummi Najukkami ataatsimiititaliap kissaataasa ilai politikikkut akuerineqarnissaat qulakkeeqqaarneqartariaqarpoq, taakku piviusunngortinneqannginnerini.

Sanarfinermut Avatangiisinullu ingerlatsivik Paamiuni, Tasiilami imaluunniit Ittoqqortoormiiniit allaaserineqartut pillugit oqaaseqaatissaqanngilaq, taakku tamarmik illoqarfiit pineqartut pillugit ataatsimoortumik pilersaarutinut ajunngitsumik naapertuummata.

Suliffeqarfimmut Kiffartuussivimmit aningaasatigut naliliineq

Soqanngilaq.

Inatsisitigut tunngavissaq allakkallu tunngaviusumik uppersaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi kapitali 4 § 32
- Kommuneqarfik Sermersuumi najukkani ataatsimiititaliat pillugit ileqqoreqqusat
- Kommuneqarfik Sermersuumi najukkani ataatsimiititaliat suleriaasiat

Ilanngussaq

Soqanngilaq.

Punkt 10: Tunumi nunaqarfinni neqeroorutip, angerlarsimaffimmi paarsisarnermut aaqqissuussinerit, allanngortinnera

Beslutning

Inassuteqaat akuersissutigineqarpoq.

Bilag

Inatsisartut peqqussutaat nr. 10, 5. decembari 2008-meersoq, naqissuserneqartoq 24. septembari 2010 malillugu, nunaqarfinni misileraaneq pillugu aaqqissuussinerit qinnuteqaat



Tunumi nunaqarfinni neqeroorutip, angerlarsimaffimmi paarsisarnermut aaqqissuussinerit, allanngortinnera

Tasiilap nunaqarfiini 0-3-nut ukiulinnut paarsinissamik neqeroorummik pilersitsineq

Aalajangiiffigisassaq

SagsID.: EMN-2021-16054

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- nunaqarfinni neqeroorut akuerineqassasoq: Sermiligaami, Kuummiini, Tiilerilaami aamma Isertumi angerlarsimaffimmi paarsinermut aaqqissuussinerimut allanngortinneqassasoq
- Kulusummi angerlarsimaffimmi paarsisarnermut aaqqissuussap ammasarfiinik inuttaqartinneqarneratalu allanngortinneqarnissaat akuerineqassasut, inatsit malillugu
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Tasiilap nunaqarfiini meeqqanut 0-3-nut ukiulinnut paarsinissamik neqeroorutit amigaataapput. Tamanna angajoqqaajusunut suliffilinnut kipiluttunarluinnartuuvoq. Ingerlatsivimmit kissaatigineqarpoq nunaqarfinni mikisunik meerallit illoqarfimmi paarsisarnermut periarfissaat assigalugit periarfissaqartinneqarnissaat.

Meeqqanut Atuarfeqarnermullu Ingerlatsiviup taamaattumik innersuussutigivaa, nunaqarfinni Sermiligaami, Kuummiini, Tiilerilaami aamma Isertumi meeqqanut 3-niit 5-inut ukiulinnut neqeroorutigineqareersut angerlarsimaffimmi 0-5-inut ukiulinnut angerlarsimaffimmi paarsisarnermik aaqqissuussanngortinneqassasoq ammarsarfialu ullumikkut 08.00-imiit 15.00-imut, 08.00-imiit 16.00-imut sivitsorneqassasoq.

Ingerlatsiviup ilanngullugu innersuussutigivaa, Kulusummi angerlarsimaffimmi paarsisarnermik aaqqissuussaaq, meeqqanut 0-imiit 5-inut, aamma akunnermik ataatsimik sivitsorneqassasoq ullumikkut 8.00 - 15.00-imut ammasarteq 8.00 - 16.00-imut sivitsorlugu.

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit inatsisartut inatsisaat nr. 16, 3. december 2012-imeersoq kap. 4 aamma 5 malillugu nunaqarfimmi neqeroorut meeqqanut suli atualinngitsunut akeqanngitsumik neqeroorutaavoq. Neqeroorut Sermiligaami, Kuummiini, Tiilerilaami aamma Isertumi meeqqanut 3-5-inut ukiulinnut sammitinneqarpoq, takuuk misiliummik aaqqissuussineq "Nunaqarfinnut aaqqissuussineq", 24. septembari 2010-mi akuerineqartoq (ilanngussaq 2). Aaqqissussami 0-2-nik ukiullit ilanngunneqarsimannginnerinut pissutaavoq, sulisunik perorsaasarnermik ilinniagalinnik pissarsisinnaasimannginneq aamma pissarsiarineqarnissaannut illumik pilersitsisinnannginneq. Nunaqarfinni neqeroorutini inersimasut akissarsiaqartinneqassapput angerlarsimaffimmi paarsisarnermut aaqqissuussineq malillugu. Ingerlatsineq kommunimit akilerneqartarpoq.

Angerlarsimaffimmi paarsisarnermik aaqqissuussinerimmi paarsisartut meeqqanik 4-nik 0-5-inut ukiulinnik paarsinissamut akuerisaapput. Angerlarsimaffimmi paarsisarneq akeqarpoq kommunalbestyrelsillu aalajangigaanik malittarisassat atuuttut malillugit akilisoqartarpoq. Angerlarsimaffimmi paarsisarteq ataaseq qaammammut 20-23.000 kr.-t missaanik akeqarpoq (ukiumut 275.000 kr.-t miss.). Nunaqarfinni angerlarsimaffimmi paarsinermik aaqqissuussiffiusuni paarsisartut kommunimit kommunip illuutaasa ilaanni katersorneqarsinnaapput.

Isertumi, Tiilerilaami, Kuummiuni Sermiligaamilu nunaqarfinni neqeroorutit aamma Kulusummi angerlarsimaffinni paarsisartunik aaqqissuussineq kommunip illuutaaniitsinneqarput Dr. Ingrid-illu Meeqqueriviani aqutsisumit aqunneqarlutik. Aningaasaqarneq akisussaaffigivaa assigiinngitsunillu pisisarpoq, soorlu nerisassat, pinngussat allallu. Taanna nunaqarfinni neqeroorutini angerlarsimaffimmilu paarsisarnermik aaqqissuussinermi sulisunik nakkutiginnittuuvoq, ilitsersuisuullunilu tapersersuisuuvoq. Inatsisit atuuttut naapertorlugit taamatut iliortoqassaaq. Nunaqarfinni neqeroorutitut angerlarsimaffimmilu paarsisunut aaqqiissutit meeqqat utaqqisut amerlassusaat malillugu naleqqussarneqartassapput. Tamanna ukiuni arlalinni ingerlalluarpoq.

Ingerlatsivimmit aningaasatigut sulisoqarnikkullu naliliinerit

Nunaqarfimmi neqeroorutip angerlarsimaffimmi paarsisarnermik aaqqissuussanngortinneqarnissaani tulluuttut pisariaqartinneqarput:

Illuni, nunaqarfinni neqeroorutit inissisimaffiini, nerriviit, nangilersuisarfiusut assigisaannullu, qullartillugillu ammoortinneqarsinnaasut, pisiarinqassapput.

Pedelimut akunnerit akunnermik ataatsimik amerlineqassapput, imertarnermut uulialersuinermit il.il.

Siniffinnik taakkununggalu qipinnik allanillu kiisalu meeraaqqanut pinngussanik pisoqassaaq. Nerisaqartitsinermut eqqiluusaarnissamullu atortussanut missingersuutit qaffanneqassapput.

Tiilerilaami, Sermiligaami, Kulusummi aamma Kuummiini angerlarsimaffimmi paarsisartunik amerlanerusunik pissarsinissaq pisariaqarpoq.

Aammalu Kuummiini Sermiligaamilu illunik nutaanik, angerlarsimaffimmi paarsisarfissanik, ullumikkut aaqqissuussinermut inissaqartinneqanngitsunik, nassaarnissaq pisariaqassaaq. Nassuiaanerli uani suliasamik saqqummiussinermi ersersinneqarnaviannigilaq, apequtaassammat illoqareernersoq siunertamut naleqquttunik imaluunniit nutaanik sanaartortoqassanersoq.

Angerlarsimaffimmi paarsisartunik pilersitsinermut atatillugu ingerlatsinermut aningaasartuuteqarnerneq (missiliukkat):

Nunaqarfik	Nunaqarfimmi meeqqat massakkut paarsisarfimmiinngitsut amerlassusii:	Saniatigut sulisussat meeqqat nunaqarfimmi najugallit tamarmik inissamik neqeroorfigineqassap pata:	Saniatigut sulisunut akissarsianut aningaasartuutit:	Saniatigut nerisitsineq + perorsaaner mut atortut + illumik ingerlatsineq (2020-mi meeqqamut ataatsimut 11.000):
Isertoq	3	+0	0 kr.	33.000 kr.
Tiilerilaaq	3	+1	275.000 kr.	33.000 kr.
Sermiliga aq	12	+3	825.000 kr.	132.000 kr.
Kuummiit	14	+4	1.100.000 kr.	154.000 kr.
Kulusuk	10	+2	550.000 kr.	110.000 kr.
Katillugit	42	+10	2.750.000 kr.	462.000 kr.
Ingerlatsinermi aningaasartuutit ukiumut amerleriaataat katillugit			3.212.000 kr.	

Allat ataasiartumik aningaasartuutit (missiliorlugit) angerlarsimaffimmi paarsisartunik pilersitsinermut atatillugu:

Nunaqarfik	Nunaqarfimmi meeqqat massakkut paarsisarfirmiinngitsut amerlassusii:	Meeqqamut ataatsimut pequtinut saniatigut aningaasartuutit meeqqat tamarmik inissamik neqeroorfigineqassagaluarpata (meeqqamut ataatsimut 10.000 kr.):
Isertoq	3	30.000 kr
Tiilerilaaq	3	30.000 kr
Sermiligaaq	12	120.000 kr.
Kuummiit	14	140.000 kr.
Kulusuk	10	100.000 kr
Katillugit	42	420.000 kr.

Siunnersuut akuerineqassagaluarpat, ingerlatsiviup TB (ilassutitut aningaasaliissutit) qinnutigissavai taassuma piviusunngortinnissaa pillugu.

Suliffeqarfimmut Kiffartuussivimmit aningaasatigut naliliineq

2022-mut missingersuutini akuersissutigineqartuni angerlarsimaffimmi paarsisarnermut aaqqiissummut nunaqarfinni kommunip neqeroorutaata allanngortinneqarnissaanut aningaasanik immikkoortitsisoqarnikuunngilaq. 2022-mut missingersuutini nunaqarfinni neqeroorutaasup ingerlanneqarneranut maannakkut periuseq atorneqartoq naapertorlugu 2,25 mio. koruuninik immikkoortitsisoqarnikuvoq.

Tunumi nunaqarfinni angerlarsimaffimmi paarsisarnermut aaqqiissutit atulersinneqarnissaat akuersissutigineqassappat, ukiumut ingerlatsinermut aningaasartuutit kiisalu angerlarsimaffimmi paarsisartoqalernermut atatillugu ataasiartumik aningaasartuutit matussuserniarlugit TB1-imi Meeqqanut Atuarfeqarnermullu Ingerlatsivik 3,6 mio. koruuninik qinnuteqartariaqassaaq. Tunumi angerlarsimaffimmi paarsisussanik peqalernissamut aningaasaliissuteqarnerunikkut kommunip siunertamut 03.01.01 Angerlarsimaffimmi paarsisartunut aningaasartuutai marloriaatingussapput.

Inatsisitigut tunngavissaq allakkallu tunngaviusumik uppersaatitalit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-imeersoq, kap. 4 aamma 5

Siusinnerusukkat aalajangiinerit

Meeqqanut Atuarfeqarnermullu Ataatsimiititaq, 08.12.21:

Inassuteqaat akuersissutigineqarpoq.

Ilanngussaq

1. Inatsisartut peqqussutaat nr. 10, 5. decembari 2008-meersoq, naqissuserneqartoq 24. septembari 2010 malillugu, nunaqarfinni misileraaneq pillugu aaqqissuussinermut qinnuteqaat

Punkt 11: Kommunimut pilersaarummut tapiliussassatut siunnersuut 2A3, Manngua, Nuuk

Beslutning

Inassuteqaat akuersissutigineqarpoq.

Bilag

Kommunimut pilersaarummut tapiliussassatut siunnersuut 2A3, Manngua, Nuuk

Kommunimut pilersaarummut tapiliussassatut siunnersuut 2A3, Manngua, Nuuk

Aalajangiiffigisassaq

SagsID.: ANL-2021-00010

Sanarfinermut Avatangiisinullu Ingerlatsivik - pisortaq Hans Ulrik Skifte/ HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuusutissarsiornermullu Ataatsimiititamut inassuteqaatigaa:

- kommunimut pilersaarummut tapiliussaq 2A3-2 Manngua, Nuuk pillugu siunnersuut tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit matumuuna kommunimut pilersaarummut tapiliussatut siunnersuut 2A3-2 Manngua, Nuuk, matumuuna saqqummiunneqarpoq.

Kommunimut pilersaarummut tapiliussami immikkoortoq 2A3, inissiaqarfittut (A) atugassanngorlugu aalajangersarneqarpoq, tassaniissinnaappullu inissiat siammasissut pukkitsullu. Immikkoortup ilaani aamma suliffeqarfiit, inissinneqarsinnaapput taakku ingerlanneqarnermikkut immikkoortup najugaqarfittut atuunneranik allannguissanngippata.

Matumani kommunimut pilersaarummut tapiliussami, 2A3-2, Manngua, meeqqanut inuusuttunullu najugaqarfissamat sanaartorfissiat 2-k atugassiissutigineqarput. Najugaqarfik immikkoortup atornerarneranut isikkuanullu naleqqussarneqarsimassaaq aamma immikkoortup pitsaassusia sukisaarsarfittullu pingaarutai najugaqartunut innuttaasunullu avataaneersunut tikinneqarsinnaajuarnissaat qulakkeerneqassaaq .

Matumani kommunimut pilersaarummut tapiliussami immikkuualuttut marluk sanaartorfissanngortinneqartut:

- **Immikkuualuttup ilaa A** meeqqanut inuusuttunullu najugaqarfittut atugassaritinneqarpoq
- **Immikkuualuttup ilaa B** inissianut kiisalu meeqperivimmut atugassanngortinneqarpoq
- Kommunimut pilersaarummut tapiliussami inissianut aqqusineq nutaaq, immikkuualuttup ilaanik A-mik Nuussuullu aqqutaanik atassusiisumik, pilersinneqarsinnaavoq

SANAARTUKKAT

Immikkoortup ilaani 2A3-mi sanaartoriaaseq attatiinnarneqassaaq, ilaqutariinnut ataatsinut illut, affarleriit uigulukuttullu tamaani nuna atuarlugu ipput naammaginartumillu ungasissuseqartut qaamaneqartitsipput immikkuualuttullu ilaani illunik assigiinngitsunik isikkiveqartitsillutik.

Immikkoortup ilaata ammasuunera immikkoortunullu sukisaarsarfinnut atassuteqarnera taamaaginnarlunilu pitsaanerulersinneqassaaq, peqatigitillugulu immikkoortup ilaani sanaartoriaaseq isikkuilu ingerlateqqinneqarlutik. Inissiaqarfiup isikkuata allanngortinneqannginnissaa pingaartinneqarpoq, najugaqarfissap akornusersorteqarani

peqatigitilluguli ataatsimoortumut ilaatinneqarnissaa, kiisalu immikkoortunut eqqaaniittunut sukisaarsarfiusunut atassuteqarnera ingerlateqqinneqarluni.

SANAARTORFISSAT

Immikkoortup ilaani 2A3-mi sanaartorfissat marluk atugassanngortinneqassapput, tulliuttumi erseqqinnerusumik nassuiarneqartut:

B1: meeqqanut inuusuttunullu najugaqarfittut atugassamut sanaartorfissaq nutaaq. Illu qalialernagu (1 plan) sananeqarsinnaavoq. Inissiatut siunertalik toqqavilerneqarsinnaavoq imaluunniit nunap ilusaata ajornartingippagu toqqorsiveqarsinnaavoq. Sanaartorfik 550 m²-imik sanaartorfigineqarsinnaavoq.

B2: sanaartorfissaq nutaaq meeqqanut inuusuttunullu najugaqarfissamut. Sanaartugassaq 2 plan-iusinnaavoq. Inissiatut siunertalik toqqavilerneqarsinnaavoq imaluunniit nunap ilusaata ajornartingippagu toqqorsiveqarsinnaavoq. Sanaartorfik 750 m²-imik sanaartorfigineqarsinnaavoq.

Illumut taassumalu silataanut ikaarsaarianermut nalinginnaasumik piunasaqartoqarpoq, nammineq inuttut tamallu angalaarsinnaanerit pisinnaaqqullugu, immikkoortup ilaata Nuussuup Mannguanut aqutaaginnarnissaa siunertarlugu.

ANGALLANNERMUT TUNNGASUT / AQQUSERNGIT AQQUSINEEQQALLU

Immikkoortup ilaa 2A3 Nuussuarmiippoq Mannguanullu inissianut aqutikkut aquteqarpoq taannalu Nuussuarmi aqqusinnermut pingaarnermut atavoq.

Pilersaarummi matumani inissiaqarfinnut aqut nutaaq, immikkuualuttup ilaanik A-mik Nuussuup aqutaanut attaviliisoq pilersinneqassaaq, immikkuualuttup ilaata B-p maannakkut inissiaqarfianut angallattut annikillisinniarlugit.

Inissinneqarnerani immikkuualuttup ilaata A-p aamma B-p akornanni pisuinnaat sikkilertullu ataqatigiissinnissaat immikkuualuttullu ilaanut attaveqarneranut najoqqutarineqartut pingaartinneqarput.

Kommunimut pilersaarummut tapiliussassatut siunnersuut 2A3-2 tamanut tusarniaassutigineqassaaq sapaatip akunnerini 6-ini.

Matumani Kommunimut pilersaarummut tapiliussassatut siunnersuutip 2A3-2 akuersissutigineqarneratigut 2A3-1 atorunnaarsinneqassaaq.

Naalagaaffiit Peqatigiit nunarsuaq tamakkerlugu anguniagaat



ANGUNIAGAQ 11: Illoqarfiit najukkamilu inuiaqatigiit piujuartitsisut -

Pilersaarummut tapiliussap illuliortaatsip qajannaatsup init inissaqarluartut akunnilersorluarsimasullu, piffissap ingerlanerani atortuarneqarsinnaasut ineriartormullu malinnaasut neqeroortigineqarsinnaanissaat qulakkiissavaa.

- Pilersaarummut tapiliussakkut qulakkeerineqassaaq, kikkut tamat isumannaatumik angallassinnaajuarnissaat illoqarfimmilu sukisaarsarfissaqqissuni atuisinnaanissaat.



ANGUNIAGAQ 12: Akisussaassuilimmik atuneq nioqqutissiornerlu-
Pilersaarummut tapiliussap sanaartukkat patajaatsunik, nungullariartoratik piffissap ingerlanerani kusatsikkiartortartunik, sananeqarnissaat qulakkiissavaa.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/10 atorneqartarput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukku aalajangiinerit

Sanarfinermut Avatangiisinullu Ataatsimiititaq, 25.11.21:

Inassuteqaat akuersissutigineqarpoq.

Ilanngussaq

1. Kommunimut pilersaarummut tapiliussassatut siunnersuut 2A3, Manngua, Nuuk

Punkt 12: Kommunimut pilersaarummut tapiliussap 3A8-4 Iiminaq, Nuuk inaarutaasumik aalajangiiffineqarnera

Beslutning

Inassuteqaatini siulleq amerlanerussuteqartunit akuersissutigineqarpoq, suliarlu inaarutaasumik Kommunalbestyrelsimut akuerisassanngorlugu ingerlateqqinneqarluni.

Siumumit aammalu Demokratinit ikinnerussuteqartut oqaaseqaat: Inassuteqaatini siulleq itigartitsissutigineqarpoq.

Bilag

1_ Tusarniaatitsinermut akissummik suliaqarneq

2_ Tusarniaanermut akissutit tiguneqartut

3_ Kommunimut pilersaarummut tapiliussaq 3A8-4 Iiminaq, Nuuk

Kommunimut pilersaarummut tapiliussap 3A8-4 liminaq, Nuuk inaarutaasumik aalajangiiffineqarnera

Aalajangiiffigisassaq

SagsID.: ANL-2020-00020

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliussap 3A8-4, liminaq, Nuuk, inissianut sanaartorfissiat 6-it ilanngunnagit, akuerineqassasoq
- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3A8-4 liminaq, Nuuk matumuuna saqqummiuppa.

Kommunimut pilersaarummut tapiliussaq 3A8-4 sapaatip-akunnerini arfineq-pingasuni, piffissami 7. juuni - 1. septembari 2021-p tungaanut tamanut tusarniaassutigineqarpoq. Tusarniaassutiginerani tusarniummut akissutit 14-it immikkoortut assigiinngitsunik 62-init tiguneqarput, taakkulu tunngaviusumik ataatsimik aammalu oqaaseqatigiinnik annikitsunik allannguuteqartitsinermik kinguneqarput. Sanaartorfissanik ataasiakkaanik annikitsumik nikisitsisoqarnera tunngaviusumik allannguutaavoq taamaalinikkullu akerlilliissutit tunniunneqartut malinneqarput.

Kommunimut pilersaarummut tapiliussami 3A8-4 liminaq uani sanaartorfissat arfineq-marluk inissianut arfinilinnut najugaqarfimmullu ataatsimut atugassiaapput. Inissiat issittumi ilaqutariinnut illut nukissiuutinik atuinikitsut maligassatut assersuutissaqqissuussapput aammalu allanut neriuartumik isumassarsititsuussallutik.

Kommunimut pilersaarummut tapiliussakkut ugguuna periarfissaatinneqarpoq, immikkoortup ilaa 3A8 liminaq annertusineqarnissaa aamma:

- Nutaamik **immikkuualuttumik E-mik** atugassanngortitsisoqassasoq, tassa sumiiffimmi avannamut kitaatungaani. Tassunga immikkoortinneqassapput sanaartorfissat katillugit arfinillit nutaat ilaqutariit illuinik nukissiuutinik atuinikitsunik sanaartorfiusussat. Sanaartorfissat kangimut ilaqutariinnut ataatsinut illuliorfissap ilassutaatut atugassanngortinneqassapput, taakkulu aqqusinermit liminamit matoqqasumik aqquteqartinneqassapput. Inissiat akuttussusiligaanerisa nunallu immap tungaanut sivingarnata sumiiffimmi inissiat ungataaniittut isikkiviginnissaat qulakkiissavaa.
- **Immikkuualuttoq E** kujammut kangiitungaani sanaartorfissamik ataatsimik najugaqarfimmik nutaamik sanaartornissamut ilaneqassasoq.
- **Immikkuualuttoq C**-mi inissianut sanileriaanut pioreersunut ataasiakkaatigut uiguinissamik naqqullu ataanik, qaliarpaamik quitullu atuilernissamik periarfissiisumik atugassanngortitsisoqassasoq.

- liminami aqqusineq sumiiffimmi inissiaqarfiup tungaanut aqquteqartilerlugu allangortinneqassasoq, taamaalilluni sukkanerpaaffissaq 15 km/t-imut appartinneqarluni, tassuunakkut pisuinnaat meeqqallu pinnguartut isumannaannerutinniarlugit.

Kommunimut pilersaarummut tapiliussaq una aqqutigalugu liminami inissialiassat nukissiuutinik atuinikitsut sumiiffimmut ersarissumik attuumassuteqassapput, illuliortaaserlu atorneqartussaq piujuartitsisumik inuunermut pitsaasumut attuumassuteqartitsilissalluni. Inissiani nukissiuutinik isumalluutinillu atuinikinnerulernissaq qitiutinneqassapput. Atortut silaannaap pisussaanut naleqquttuussapput illullu iluani silaannarmik pitsaasumik pitsersitsissallutik. Tullinguullugu tamakkiisumik aningaasaqarnikkut akilersinnaassuseq sivisuumik attassinnaasunik toqqaanissamut aalajangeeqataassaaq. Inissiat nutaat najugaqarfiillu nutaat taamaalillutik pitsaassusissamik uuttuinnermi aamma sanaartormermik piujuartitsinermik tunngaveqartumik eqqortitsinissaq torarneqassaaq:

- Avatangiisit eqqarsaatigalugit pitsaassuseq
- Inuuniarnermut tunngasuni pitsaassuseq
- Aningaasaqarneq eqqarsaatigalugu pitsaassuseq

Inissialiassat nukissiuutinik isumalluutinillu tamakkiisup annertunersaanik atuinikiffiunissaat eqqarsaatigilluagaassaaq. Taamaattumik sanaartugassat silaannaap pissusiinut avatangiisinullu tunngasunik unammilligassanut atuuttunut naammassinninnissamut piujuartitsisumik ineriartortinneqarnissaat pingaaruteqarlunnartuuvoq. Inissialiassat inuiaqatigiinnut tamanut pingaaruteqartuussapput illuliallu pitsaassusiat inuttut inooqatigiinnermut peqqissutsimullu aalajangiisuulluinnassallutik. Illut tamatigut sivisuumik atasinnaasarput, imaappoq ullumikkut toqqagassatut toqqakkavut sivisuumik atasinnaangornikuupput. Kommuneqarfik Sermersooq piujuartitsinermik tunngavilimmik sanaartornissamut suli nammineq periusissiuunngilaq, taamaattorli Illoqarfiit pingaarnersaanut periusissiami erseqqissaatigineqarlutik kommunimi illuliortaatsimut politikki aamma Nunarsuaq tamakkerlugu anguniagassanut periusissiaq.


Naalagaaffiit Peqatigiit nunarsuaq tamakkerlugu anguniagaat



ANGUNIAGAQ 11: Illoqarfiit najukkamilu inuiaqatigiit piujuartitsisut -

Pilersaarummut tapiliussap illuliortaatsip qajannaatsup init inissaqarlutut akunnilersorluarsimasullu, piffissap ingerlanerani atortuarneqarsinnaasut ineriartormermullu malinnaasut neqeroortigineqarsinnaanissaat qulakkiissavaa.

- Pilersaarummut tapiliussakkut qulakkeerneqassaaq, kikkut tamat isumannaatsumik angallassinnaajuarnissaat illoqarfimmilu sukisaarsaarfissaqqissuni atuisinnaanissaat.



ANGUNIAGAQ 12: Akisussaassusilimmik atuneq nioqqutissiornerlu-

Pilersaarummut tapiliussap sanaartukkat patajaatsunik, nungullariartoratik piffissap ingerlanerani kusatsikkiartortartunik, sananeqarnissaat qulakkiissavaa.



Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/10 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataatillit

- Pilersaarusiortuq aamma nunaminertat atorineqartarnerat pillugit Inatsisartut inatsisaat nr. 17, 17. novembari 2010-meersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 25.11.21:

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussaq 3A8-4 liminaq, Nuuk akuerineqassasoq
- suliaq Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

Sanaartorfissat arfinillit pillugit inassuteqaat amerlanerussuteqartunit (IA) itigartissutigineqarpoq, sanaartorfissaq ataaseq najugaqatigiiffiliorfissaq akueralugu.

Ikinnerussuteqartut (D aamma S) inassuteqaatit akuersissutigaa.

Ilanngussaq

- 1_ Tusarniaatitsinermut akissummik suliaqarneq
- 2_ Tusarniaanermut akissutit tiguneqartut
- 3_ Kommunimut pilersaarummut tapiliussaq 3A8-4 liminaq, Nuuk

Punkt 13: Lukket

Punkt 14: Lukket

Punkt 15: Lukket

Punkt 16: Lukket

Punkt .: Tamalaat

Beslutning

Dorthe-Marie Mogensen-Fontain (S): Juullisiorluarnissamut kissaassilluni ukiumut nutaamut sulinissamut aammalu angalanissamut qilanaarnini nalunaarutigaa.

Inga Dora G. Magnussen (S):

- Immikkut samisaqarnissamut pilersaarutit pilersaaruserluakkamik aammalu piffisaq sioqqulluarlugu nassiunneqartarnissaat kissaatigaa.
- Kommunalbestyrelsimi ilaasortat nutaat amerlammata pulaarsinnaanissamut periarfissat paaserusuppaat.
- Siumut gruppia sinnerlugu suleqatigiilluarsimanermut qujassuteqarpoq.

Charlotte Ludvigsen (IA): Suleqatigiilluarsimanermut tamanut qujassuteqarpoq.

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq mal. 17.45.